

廣平府志

ル 5
1572
14



門
1572
14



重修廣平府志卷三十七

古蹟略 城址

永年縣

曲梁故城今縣治春秋時爲赤狄地左傳宣公十五年
 晉荀林父敗赤狄于曲梁遂滅潞杜注今廣平曲梁縣
 也漢元康三年封平干頃王子敬爲侯國北齊文宣帝
 省曲梁移廣年縣來治隋仁壽元年避煬帝諱改曰永
 年元和志永年本漢曲梁縣 大清一統志
 案方輿紀要曲梁故城在縣東北通志引彙纂亦云
 曲梁城在府東北與一統志異

廣年故城在縣東北漢置縣北齊移其名於曲梁而此
城遂廢後漢書注廣年故城在今永年縣西北上同

臨洛故城在縣西四十五里漢置易陽縣隋改曰臨洛

隋書地理志武安郡臨洛縣舊曰易陽寰宇記縣在洛

州西北五十里本漢易陽縣後魏省入邯鄲縣孝文於

北中府城復置易陽今理是也隋開皇六年改爲邯鄲

縣尋移邯鄲理涉鄉城今邯鄲縣界仍於北中府城別置臨

洛縣宋省爲鎮舊志今爲臨洛關同上唐李白贈臨

茫然太古心大音自成曲但奏無絃琴釣水路非遠連
鼇意何深終期龍伯國與爾相招尋明馬任遠臨洛
懷古詩洛水沿洄晚不波荒隄叢柳望臨河平沙游鳥
飛棲少古道行人向背多成壘煙殘餘牧逕信宮址廢

有樵歌風前憑弔空悲切瞬息興亡可奈何

案方輿紀要臨洛城在府西四十里本漢易陽縣後

漢和帝永元七年易陽地裂卽此范成大北使錄臨

洛城東至洛州三十五里以北濱洛水而名自此過

洛河三十里沙河縣是也今置臨洛驛於此地理志

韻編今之臨洛關金鎮名曰西臨洛在府西四十五

里隋改漢易陽縣之臨洛乃在今永年縣西十五里

攷寰宇記今之洛水古亦稱漳水又名南易水寰宇記引

漳水風土記云南易水本名漳水源出三門山西自
肥鄉流入臨洛縣界趙地記云六國時此水名易水
埤蒼及水經云洛水之目不知誰改俗謂山之下地
名洛故曰洛水燕趙記云其分有三易漳爲南易是

也易陽得名以此應劭注曰易水出涿郡故安是誤以北易水為南易水也

漢趙國易陽

當在南易水之北水北為陽故因以名縣今臨洛關

在洛河南疑非漢易陽故縣又元豐九域志永年有

東西臨洛二鎮李氏以城西十五里之臨洛謂即漢

易陽故縣當非無據惜遺址久湮不可考矣

干將城在城南三里俗名韓子城北齊書綦毋懷文云

廣平郡南韓子城是干將鑄劍處其土可以瑩刀寔宇

記干將城在洛州即干將鑄劍處鑪池俱存今為韓家

屯村畿輔通志案寔宇記邯鄲縣東二十二里亦有干將城辨見志

餘

五花城在縣西北三十里元末脫脫屯兵所築舊志

陽城在縣西五十里地高土堅明末土人築以避兵同上

曲周縣

曲周故城在今縣東北漢高帝六年封功臣酈商為侯

國武帝時始置為縣元和志縣西南至洛州八十里本

漢舊縣後魏宣武帝改置曲安縣高齊省隋復置改舊

名尋又省唐武德四年於曲周故城重置據唐縣去州

道里較今多四十里蓋宋時移今治也大清一統志

案方輿紀要縣東有曲安故城後魏景明中分平恩

縣置屬廣平郡元和志及寰宇記謂後魏改曲周為
曲安似誤

平恩城在縣東南程孟村漢宣帝元康三年封漢書外戚表作

地節三年封許廣漢為侯國後漢置縣金省明志曲周東南

有平恩廢縣今東西程孟二村相傳即東西城門云畿

輔通志秦鑄平恩懷古詩驅馬出東門蕭蕭秋欲老
斷岸折驚沙寒雲疾飛鳥名是古平恩當年佳氣繞豈
無甲第開蒼茫空宿草懷古涕沾裳感舊悲如掃何以
百年人龍戰猶驚擾呼酒問西風天光接浩渺寫意攬
高空清霜一掬小

案元和志平恩縣西至洺州八十三里寰宇記作五
十里攷水經注白溝水自館陶縣北又東北逕平恩

縣故城東地理風俗記曰縣故館陶之別鄉也應在

曲周東南境今程孟村是其遺址西去洺州通鑑胡三省注

日今永年洺州所治也不止五十里樂史殆誤

南曲城在縣東漢縣屬廣平國後漢省水經注漳水自

斥漳縣南又東北逕平恩縣故城西又東北逕南曲縣

故城西應劭曰平恩縣北四十里有南曲亭故縣也同上

斥漳故城在縣東南漢置縣應劭曰漳水出治北入河

其地斥鹵故曰斥漳隋開皇六年以縣西近洺河改為

洺水縣元和志洺水縣西至州五十里本漢斥漳縣寰

宇記高齊天保七年移平恩理斥漳城開皇六年復移

平恩入舊理於此置洺水縣大清一統志

案通鑑唐武德五年秦王世民擊劉黑闥其洺水人

李去惑據城來降卽此一統志謂在縣東南恐誤洺

水向不能越滏水而經曲周南也南殆北字之譌

邯鄲城在縣東北寰宇記引水經注云衡漳又北逕巨

橋邯閣西謂卽此城舊志

肥鄉縣

邯溝故城在縣西北漢宣帝地節三年封趙頃王子偃

爲侯國屬魏郡後漢省水經注邯溝歷邯溝縣故城東

蓋因溝以名縣地理風俗記曰卽裴城西北二十里有

邯溝城故縣也寰宇記邯溝故城俗名桓公城在今肥

鄉縣西北十里大清一統志

案方輿紀要邯溝城在縣西北七里顏師古曰以邯

水之溝而名

列人故城在縣東北戰國時趙邑也竹書紀年梁惠成

王八年伐邯鄲取列人卽此漢置縣屬廣平國高齊省

寰宇記列人故城在肥鄉縣東北十五里同上

案縣志列人舊城在馬固村北天啟壬戌肥鄉城壞

知縣楊時晦意欲移城於此已申報各臺擇吉破土

邑中豪家勢族力阻而止考水經注漳水東逕卽裴

縣故城南又東北逕列人縣故城南卽裴城在今縣南三里列人城應在縣東北通鑑注引杜佑亦云列人故城在肥鄉縣東北今馬固村在縣城西方向實有未合或當時城東北別有一馬固村與明地理志肥鄉縣東十五里有列人城方輿紀要城在縣北三十里列人隄上方向雖少異決非城西之馬固村也邯鄲會故城在縣西南二十里漢武帝元朔二年封趙敬肅王子仁爲侯國屬魏郡後漢省張宴曰漳水別自城西南與邯山之水會今城旁猶有溝渠在焉方輿紀要卽裴故城在縣西漢征和元年封趙敬肅王子尊爲抑

裴侯國屬魏郡後漢省鄭氏曰抑裴音卽非在肥鄉縣南五里卽非城也水經注地理風俗記曰列人縣西南六十里有卽裴城故縣也大清一統志

案縣志卽裴城在縣南三里又云今南關東南角地名裴家莊卽此考列人城在縣東北十五里又西南六十里方是卽裴城如縣志所云不足二十里雖古今里數各異不應如是之差縣志恐未可據

肥鄉故城在縣西戰國時趙之肥邑竹書紀年梁惠成王八年伐邯鄲取肥是也曹魏因置肥鄉縣元和志縣西北至洺州四十九里魏黃初二年分邯鄲等二縣立

故城在縣西二十二里同上

案寰宇記肥鄉故城在縣西南二十二里方輿紀要作縣南二十里方向里數均有未合考舊唐書地理志肥鄉縣漢邯溝縣地水經注白渠故瀆歷邯溝縣故城東又東逕肥鄉縣故城北縣志邯溝城在縣西北據此則肥鄉故城不在縣西南樂史之說非是顧祖禹謂在縣南二十里失之尤遠

清漳故城在縣東隋置元和志縣西北至洺州七十里本漢列人縣地開皇十六年於此置清漳縣南濱漳水因以為名舊志清漳城在肥鄉縣東三十里今清漳大

寨等村明泰昌時土人掘井得清漳菴石碑蓋唐開元

時清漳令秦獻造也今基址盡廢獨故城隍祠尙存

輔通志 唐李白贈清漳明府姪聿詩我李百萬葉柯條布中州天開青雲器日為蒼生憂小邑且割雞大刀
仁烹牛雷聲動四境惠與清漳流絃歌詠唐堯脫落隱簪組心和得天真風俗猶太古牛羊散阡陌夜寢不扃戶問此何以然賢人宰吾土舉邑樹桃李垂陰亦流芬河隄繞綠水桑柘連青雲趙女不治容提籠晝成羣縵絲鳴機杼百里聲相聞訟息鳥下階高卧披道帙蒲鞭拄簷枝示恥無撲扶琴清月當戶人寂風入室長嘯無一言陶然上皇逸白玉壺冰水壺中見底清清光動毫髮皎潔照羣情趙北美佳政燕南播高明過客覽行謠
因之頌 德聲

案名勝志及方輿紀要清漳城在縣東南七十里考

肥鄉疆域圖東南至廣平縣界三十里若七十里則

出肥鄉境矣攷寰宇記廢清漳縣在洺州東南七十
里今肥鄉清漳大寨等村去郡里數頗與此合紀要
謂在縣東南縣字殆州字之訛耳

葛孽城在縣西南二十里戰國策趙王抱葛孽陰成爲
趙養邑鮑彪注葛孽陰成四邑名寰宇記葛孽故城俗
呼葛鶩城卽武靈王夫人所築一云夫人城舊志在肥
鄉縣西南二十里今堙

大清
一統志

案函樓別紀考史記趙成侯十七年與魏惠王相遇
於葛孽則相去武靈卽位之初尙隔三十二年武靈
王前韓夫人未娶後夫人吳娃未及也徐廣注云葛

孽卽馬邨又不知馬邨爲何地母亦趙先有長城之
築武靈王與樓緩計曰我先王因世之變以長南藩
阻漳立險而此其地與縣志引張懋勤風俗議廢堞
連雲四圍二十里爲漳水淤成平地在今劉家寨東
或卽其遺址焉

新興城在縣東南晉書大元九年慕容垂攻苻丕於鄴
分遣老弱於肥鄉築新興城以置輜重旣而鄴久圍不
下垂解圍趣新城卽新興城也二十一年拓跋珪攻後
燕鄴城爲慕容德所敗退屯新城亦此城矣今俗呼爲

白塔營

方輿
紀要

雞澤縣

廣平故城在縣東杜佑曰在永年縣北漢置廣平縣治此武帝征和二年封趙敬肅王小子偃為王國改曰平干尋復為廣平哀帝建平三年又以廣德夷王弟廣漢紹封後漢建武二年更封吳漢為廣平侯魏曹復置廣平郡治焉後徙廢

方輿紀要

案後漢書注廣平故城在今永年縣東北雞澤縣志故城在縣東二十里今有舊城村元和志隋於廣平城置雞澤是今縣實由廣平改名唐宋時又嘗遷治也

雞澤故城在縣南元和志縣西南至洺州五十里本漢

廣平縣地隋開皇十六年於廣平城置雞澤縣大業二

年省武德四年重置名勝志雞澤縣城隋唐以來徙置

不一金天會中寄治臺頭村大定元年始營今理

清一

統志 宋司馬光送聶之美任雞澤令詩趙魏高氣俠到今風俗然椎埋吏難禁擊斷世稱賢明府宜更瑟罷民庶息肩無如爾絲者急歛縱敲鞭 又和聶之美雞澤官舍各詩明府學既優所聞今得施四境已澄清還以書自怡西齋幾黃卷治原俱在茲 百里有民社古為子男國苟有愛物心稚老皆蒙德為身不為人鄙哉陶彭澤 孤樓雖不高足以瞰四遠 索索夕風道灑灑桑陰飯飭吏省追背勿令農事晚 湖接 驛道苦車馬田廬悲斧斤誰裁官舍前老朽完天真所願明府心庇樹如庇人 村落煙欲暝行人猶未稀借問來往者營營還無乃知市朝客趨露良可

悲 高齋對秋山平望殊不遠雖違獨往
心蒼蒼長在眼可嗟都邑遊終日紅塵滿

案縣志隋改廣平縣為雞澤縣城於周之古城即今縣東十五里舊城營是殆以舊城營有會盟臺誤以為春秋諸侯同盟之雞澤故曰周古城然既曰古城即今舊城營在縣東何以又曰古城影在縣西二十五里柏枝寺南自相矛盾春秋時雞澤實不在境內即會盟臺亦係後人附會又云唐武德四年復置雞澤縣於今縣西南十里馮鄭村石晉徙治於古城東二十里城湮無考古城即今舊城營此村緊傍滏陽河渡河而東不數里即入曲周縣界無城可擬東字

疑係西字之訛考石晉所徙之地當即宋時縣治樂史係宋人其所撰寰宇記云雞澤縣在洺州東北五十里此尚沿元和志西南至洺州五十里之說又云洺漳二水在縣東南二十五里合流東北入平鄉縣界則是宋時縣治在洺漳二水之西北二十餘里矣考舊城營馮鄭堡之舊治及今縣治皆在洺水之東惟今縣治西十里有地名城隍東南去洺河及今縣東北羅官營之枯漳河相去有二十里疑即石晉所徙者城之遺址存焉故擅城隍之目宋聶之美所治皆即在此金天會中城遭兵火徙治北臺頭是今縣

治卽金天會間從城隍寄治之北臺頭至大定間始築而城之金王叔之父礎於天會中攝縣事卽今治也今縣東南二里又有臺頭村蓋卽南臺頭也

普樂故城在縣東南唐書地理志雞澤有普樂縣武德初置後陷竇建德遂廢舊志普樂城在雞澤縣東南二十五里同

案方輿紀要普樂城在雞澤縣東南十里唐初置縣旋陷於竇建德或曰卽建德創置考通鑑唐紀武德四年建德所署普樂令程名振來降胡三省注云沼州所領雞澤縣有普樂縣竇建德平後廢入雞澤縣

志云卽今貫莊村北空城

建德城在縣南三十里有故城二東西相值相傳竇建德屯軍處今南雙塔村西尙存遺址雞澤縣志

案明一統志及方輿紀要建德城在府城北二十五里考疆域圖府北二十五里有故城村

廣平縣

鵞城在縣西名勝志鵞城之名不見史傳唯金王世鑑碑銘曰大原之系奕葉西華轉徙鵞城始定厥家在縣西五六里遺址尙存大清一統志

案廣平縣志作元王世鑑考人物傳亦列元時與一

統志異

邯鄲縣

邯鄲故城在今縣西南春秋時衛邑後屬晉戰國屬趙

敬侯元年自晉陽漢書地理志及名勝志均作中牟徙都於此胡三省通鑑注

謂趙肅侯始都邯鄲非敬侯也辨見志餘秦始皇十九年置邯鄲郡漢高帝

四年立張耳為趙王都邯鄲張晏曰邯山名單盡也邯

山至此而盡城郭從邑故鄲字亦加邑舊志故城在今

縣西南十里八里俗呼為趙王城秦漢時趙俱理此雉

堞猶存中有一臺疑即殿廷之所大清一統志魏

固靈州之傲宇而天下之雄國南則有洪川巨瀆黃水濁河發源積石徑拂太華灑為九流入於元波其東則

有天浪水府百川是鍾包絡坤維連溥太濛其北則有
 陶林元壇層冰沍寒其西則有靈邱平圃斜接崑崙其
 近則有天井句注飛壺太行瑤錯礪硤屬阜連岡龍首
 嵯峨以岬鬱羊坂崙咽以屹塘清漳發源濁滏汨越湯
 泉涓沸洪波漂厲爾乃都城萬雉百里周迴九衢交錯
 三門旁開層樓疏閣連棟結階峙華爵以表蕢若翔鳳
 之將飛正殿儼其造天朱櫺赫以舒光盤虬螭之蜿蜒
 承雄虹之飛梁結雲閣於南宇立叢臺於少陽及至暮
 秋涉冬朔風烈寒猛豺鷺攫鷹隼奮翰國乃講武狩於
 清源駕鷲寘之駿駁抗沖天之旌旆北連昭餘南屬滹
 沱西盼大陵東結繚河然後嶼子放機戈矛亂發決班
 鬢破文額當手斃僵應弦倒越爾乃進夫中山名倡襄
 國妖女狄鞮妙音邯鄲才舞六八駢羅并奏迭舉體凌
 浮雲聲哀激楚其珍玩服用則崑山美玉元珠曲環輕
 綃啟繪織纒綿紉其器用良馬則六弓四弩綠沈黃間
 堂嶼魚腸下合角端飛兔奚斯常鸞紫鸞豐鬢角顧龍
 身鶴頸目如黃金蘭筋參精迅躡飛浮軼響追聲若乃
 至季春元巳辰火熾光挺新贈往被於水陽朱幕蔽野
 綵帷連岡妖冶呈飾顏如春英齊陸厥邯鄲行趙女
 振鳴瑟邯鄲紛躡步長袖曳三街兼金輕一顧有美獨

臨風佳人在遐路相思欲牽在叢臺日已暮 梁武帝
 邯鄲歌回頭灞陵上北指邯鄲道短衣妾不傷南山為
 君老 唐李白自廣平至邯鄲登城樓覽古興懷詩醉
 騎白花駱西走邯鄲城揚鞭動柳色烏韉春風生入郭
 登高樓山川與雲平深宮翳綠草萬事傷人情相如章
 華巔猛氣折秦嬴兩虎不可鬪廉公終負荆提攜袴中
 兒杵臼及程嬰立孤就白刃必死耀丹誠平原三干客
 談笑盡豪英毛君能脫穎二國且同盟皆為黃泉土使
 我涕縱橫磊磊石子岡蕭蕭白楊聲諸賢沒此地碑版
 有殘銘太古共今時由來互哀榮傷哉何足道感激仰
 空名 高適邯鄲少年行邯鄲城南遊俠子自矜生長
 邯鄲裏干場縱博家仍富幾處報讐身不死宅中歌笑
 日紛紛門外車馬如雲屯未知邯鄲向誰是令人卻憶
 平原君君不見今人交態薄黃金用盡還蕭索以茲感
 歎辭舊遊更於時事無所求且與少年飲美酒往來射
 獵西山頭 胡曾過邯鄲詩曉入邯鄲十里春東風吹
 下玉樓塵青娥莫怪頻含笑記得當年失步人 宋范
 成大邯鄲道中詩薄曉霜侵使者車邯鄲阪峻且徐驅
 困來也作黃梁夢不夢封侯夢石湖 明賈銓登古城
 詩古城烟草重淒涼走馬春風一斷腸 王氣已隨芳草

歇獨餘歸鳥帶斜陽 何景明邯鄲道詩邯鄲道上車
 馬多行人夜火渡漳河邯鄲女兒年十五能彈琵琶善
 歌舞青燈朱戶夜當壚壚頭酒熟喚客沽玉壺有絲為
 君繫不妨醉向邯鄲途君不見邯鄲市昔日繁華安可
 擬鳴鑾佩玉青雲閒鬪雞走馬紅塵裏平原門前客如
 雲千載淒涼竟何是黃金白壁成飛灰歌樓舞榭空流
 水傷心萬事俱可嗟草長叢臺白日斜廢苑當時在何
 處舊宮今日作誰家古來富貴俱寂寞有酒樽前胡不
 樂 賀燦然邯鄲懷古詩雲迷襄國雨霏微舊日叢臺
 過客稀三晉河山仍不改六王宮殿已全非照眉池冷
 荒烟合講武臺空野雀飛猶有邯鄲樓上月餘光常照
 醉人歸 黃裳邯鄲隨張使君肖甫出獵行使君按節
 邯鄲城遊子邯鄲意氣生相從射獵西山去城中年少
 來縱橫紛紛罷擲博場裏追呼雲集黃塵壘白馬連環
 響夜霜凋弓香箭明秋水使君紅旗山上麾我正揚鞭
 馳繡羈馬渡長橋翻凍雪箭穿枯柳斷冰澌山頭北風
 吹草急道上豺狼向人立少年隨我拍青絲一箭雙狼
 死原隰使君歡動弄金杯疊鼓鳴笳錦帳開八郡良家
 驅虎落三河俠客奮龍媒邯鄲水鄲山冷朔雲趙舞燕歌
 空古墳海上唯懷魯連子城中還憶平原君加禽逐獸

無窮已西山銜日牙旗紫使君夜獵入孤城城上寒鴉
 棲復起散騎黃昏度狹斜滿樓燈火宿倡家稍將血兔
 牀頭煮外聽銀箏醉雪花國朝鄭方坤邯鄲行樂府
 邯鄲行云自齊梁製躡躡屣鳴琴往往誇佳麗我為按
 節歌一破從前例跋馬上叢臺風雲鬱霸氣天地信悠
 悠往蹟幾隆替茲固晉山河實為周帶礪徵名昉春秋
 衛貢曾不細襟帶漳滏水頡頏東帝劍槊英姿以此
 長歷世王遷直奴才郭開一狂狗名將夕以斬敵軍朝
 以至嗚呼簡襄業一敗乃塗地物換星移誰其立趙
 幟武臣既無成張敖亦不嗣温殿寂寥王郎城堞堯
 後趙作戰場石馬汗如漬高齊築離宮歌管聲猶嘒秦
 漢南北朝卽事堪悲涕厥後立唐藩其軍日昭義邢洺
 磁三州此地中權制五季尋干戈棊劫爭不啻亦越宋
 元明河北時鼎沸三五年間那不突遊騎我朝鞏
 鴻圖盤根而固蒂侯服升甸服去天尺五際况當子午
 衝九省聯形勢使節之所臨公車之所憇梯航之所經
 飛輓之所稅王會集冠裳兵氣銷熒慧國阜民自康山
 輝澤亦媚準古以較今奚翅茶與薺邑長幸
 於斯鼓掌一揚厲持此備風謠他時可無廢

案邯鄲縣志云趙都城當以今城之有叢臺者為是

若世所傳趙有二都城矣昔齊後主嘗營邯鄲宮極

其雄麗安知此非其地耶且自漢以後王趙者世世

有之所築城皆得稱以趙王城豈可卽指為戰國時

物哉考輿程記云趙王城西南二十里至臺城岡又

西南二十里卽磁州蓋漢以前邯鄲城大數十里今

縣城及故城皆邯鄲也湮廢後所存者止此耳

武始故城在縣西南戰國時韓地史記秦昭襄王十三

年向壽伐韓取武始卽此漢置武始縣屬魏郡元朔三

年封趙敬肅王子昌為侯邑後漢建武五年更封張純

為武始侯而郡國志無此縣蓋尋省也括地志故城在邯鄲縣西南五十里同上

案方輿紀要武始縣有拘澗水東北至邯鄲入於白渠水經注拘澗水導源武始東山白渠北俗猶謂是水為拘河也

五氏城在縣西亦曰寒氏春秋定公九年齊侯衛侯次於五氏又左傳衛侯伐邯鄲午於寒氏杜預注寒氏即五氏也舊志或曰五與午通城蓋以邯鄲午而名同上王郎城在縣西三里許後漢初王郎詐稱成帝子子輿率車騎數百人入邯鄲僭號此其屯聚處也俗猶呼為

郎村

方輿紀要

涉鄉城在縣西隋志開皇十六年置涉鄉縣屬洺州大業初省入邯鄲在今縣西南五十里同上成安縣

斥邱故城在縣東南本春秋時晉乾侯邑左傳昭公二十八年公如晉次於乾侯杜預注乾侯在魏郡斥邱縣漢高帝五年封功臣唐厲為斥邱侯後為縣應劭曰有斥邱在其西南關駟云地多斥鹵故曰斥邱高齊改置成安縣而故城遂廢元和志成安西南至相州一百五十里斥邱故城在縣南三十里大清一統志

案寰宇記斥邱故城在成安縣東南三十里方向與元和志微差里數正合方輿紀要乃作十三里考地理志韻編成安縣自齊改置卽在今理顧祖禹當是誤三十爲十三耳通志引史記惠景間侯者年表有瓜邱侯劉甯國文帝四年封至孝景三年偃反國除索隱曰斥邱縣在魏郡疑卽此考史記漢書功臣侯表文帝九年斥邱恭侯鼂嗣後元六年侯賢嗣逮武帝元鼎五年侯尊始坐酎金免豈於四年前復分斥邱地名曰瓜邱而以封劉國甯乎恐未足據通志又引山東通志漢斥邱縣在今邱縣北四十里北營集

考水經注漳水自平陽城北

括地志平陽故城在臨漳縣西

又東右

逕斥邱縣北卽裴縣故城南又東北逕列人縣故城南又東北過斥漳縣南又東北逕平恩縣故城西一統志表今邱縣漢平恩縣地據此則邱縣北之北營集與漢斥邱中隔數城不惟非漢斥邱縣治恐亦非漢斥邱縣地矣山東通志失考

威縣

廣宗故城在縣東漢平帝元始二年立代孝王元孫之子如意爲廣宗王王莽時廢地理志不載蓋未置縣也後漢和帝永元五年封弟萬年爲廣宗王國於此尋罷

為縣晉屬安平郡後魏置廣宗郡治廣宗縣中興中又
 分立南北二廣宗尋罷北齊郡廢隋改縣曰宗城屬清
 河郡唐屬貝州元和志縣東北至貝州六十里五代周
 改屬大名府寰宇記縣在魏州西北一百七十里宋政
 和間秦坦宗城新修廟學記云宗城舊治雒川避河之
 衝崇甯四年始遷邵固雖屬大名而去甘陵不三十里
 今改屬洛州元初省縣志古城在縣東南二十里即故
 宗城也

大清一統志

案地理志韻編廣宗下注云今威縣東二十里似即
 舊志所謂縣東之古城宗城下注云今威縣東三十

里與廣宗顯分兩地或即避河衝遷治之邵固堡惟
 遷邵固在宋崇甯時宗城注在縣東三十里自隋已
 然亦有不合

建始故城在縣東北水經注張甲左瀆北逕建始故城
 東趙立建興郡又置建始興德等五縣隸焉魏書地形
 志廣宗縣有建始城建德城舊志建德即興德之訛今
 威縣東北有北古城村蓋即建始城又有南古城村在
 縣南蓋即興德等縣也

同上

案水經注田融云趙武帝二十二年立建興郡治廣
 宗又置建始等五縣隸之考通鑑趙武帝即石虎也

以成帝咸康元年僭位至穆帝永和五年卒凡十五
歲上二字當是衍文

經城故城在縣北後漢分堂陽置經縣在今廣宗縣界
後魏孝文改置於此元和志經城縣東至貝州六十里
寰宇記經城縣在魏州西北二百三十里後漢分前漢
堂陽縣於今縣西北二十里置經縣後魏初省併南宮
縣太和十年又於今理置經縣續於縣理置廣宗郡高
齊天保七年省郡及縣仍移武強縣於此後周建德七
年復於此置廣宗郡隋開皇三年罷郡六年移武強縣
於故武強城南復於此置經城縣屬貝州今屬魏州宋

史地理志熙甯六年省經城為鎮入宗城舊志經鎮堡
在縣北十五里即故縣也

同上

案輿圖經鎮在縣北五十里一統志恐誤

府城故城在縣東隋開皇十六年分經城縣置屬貝州
大業初仍省入經城唐武德四年復置屬宗州九年又
廢

同上

洛水故城在縣北宋初置洛水鎮九域志雞澤縣有北
洛水鎮即此加北字者以別於曲周之故洛水縣也金
於此置洛水縣元移威州來治洛水尋又徙今治縣志
洛水廢縣在城北五十五里

同上

案方輿紀要洺水城在今威縣北隋所置也唐以後縣皆治此元始為威州治是誤以曲周之故洺水縣為宋之北洺水鎮也

清河縣

信成故城在縣西北漢置屬清河郡後漢省水經注清河北逕信成縣故城西應劭曰甘陵西北五十里有信成亭故縣也趙置水東縣於此故亦曰水東城元和志貝州清河縣郭下本漢信成縣地寰宇記高齊天保七年自晉城移清河郡晉永嘉時石趙所置及武城縣於今貝州西北故信成縣後周於郡置貝州隋開皇六年移武城還

舊理又自厝城移清河縣後魏時置於州郭唐咸通元年長

史鄭仁凱以舊居湫隘移於故州東南十里一統志表作十二里

即今理所信成故城在今理西北十二里故州城外唐

咸通以前郡理於此大清一統志 宋祖昱清河道中弔陸內史詩內史東吳彥清河

緬舊踪徒聞思唳鶴無復羨雲龍兄弟遭讒搆文章誤折衝司空泉壤下相見肯從容

案方輿紀要貝州城在今清河縣東疑非是據寰宇記信成故城在今理西北十二里故州城外又曰移於故州東南十里則是後周所置之貝州故城應在今縣西北十里信成故城東南二里地理志韻編貝州下注今清河治蓋唐宋後徙治今縣也

清陽故城在縣東漢置縣為清河郡治景帝中三年封皇子乘為清河王武帝元鼎三年又徙代王義為清河王都清陽後漢省括地志清陽故城在清河縣東北八里又寰宇記古清陽城在清陽縣東南三十五里後魏孝昌三年葛榮以城內有甘陵高大因據陵為堡賊平遂置清陽縣唐永昌元年緣地久積鹹鹵遂西移於永濟渠之東孔橋此城遂廢開元二十二年又移於今州城東永濟渠之西即今邑也宋史地理志熙甯四年省清陽入清河同

案清陽故城有四一水經注清河北逕信成縣故城

西又東北逕清陽縣故城西漢高祖置清河郡治此

景帝中二年史記漢書均作三年封王子乘為清河王國史記諸侯

王表作初置清河都濟陽濟陽疑係清陽之訛後漢光武建武二年西河鮮

于冀為清河太守桓帝建和元年改清河為甘陵王

國以王妖言徙後漢書桓帝紀清河王蒜以清河人劉文反坐貶為尉氏侯疑即此係在

元年十一月改清河為甘陵在二年六月酈氏統歸元年非是畿輔通志均作三年事尤誤其年

立甘陵郡治此焉此漢之清陽縣即為清河郡嗣復

為甘陵郡者也依水經注核之應在信成故城東北

寰宇記引郡國記云隋清陽城內有漢清河王慶陵在今郡東南三十里故厝城後漢安帝改曰甘陵仍為甘陵國都據此似後漢之甘陵國與前漢之清陽縣各自為一城考屯氏河故瀆自別河東逕甘陵之

信鄉縣故城南又東逕甘陵縣故城北是甘陵縣自
在古厓而甘陵國甘陵郡仍治清陽城蓋安帝省清
陽古厓併入清河國世一屯氏別河又東枝津出焉
遂統目為甘陵郡者也

東逕信成縣故城南又東逕清陽縣故城南清河郡

北魏自清陽徙置也郡國記云晉省甘陵縣於厓城
西南七里置清河縣為清河國

治後魏又置清河縣併清河郡於故厓城高齊天保
七年又移清河縣於故信成改厓城曰貝邱寰宇記
清陽縣亦為貝邱縣故城在今縣東南方輿紀要隋
開皇六年改貝邱為清陽縣屬貝州時亦謂之清河
城以舊為郡治也大業十二年羣盜張金稱陷清河
即清陽縣非清河郡也劉昫曰清陽舊治古甘陵城

則此清陽即樂史所謂葛榮據城為堡賊平遂置之

清陽縣也依水經注核之應在漢清陽縣故城南信

成故城東南即郡國記所云隋清陽城內有漢清河

王慶陵在今郡東南三十里故厓城是也一統志誤

以信成東南五十里之甘陵為漢所治清陽城之甘

陵郡遂謂魏徙置之清陽故城在信成縣故城東而

在漢清陽縣故城北也方向不合殊失考一唐永昌

元年移置清陽縣於孔橋者寰宇記孔橋在永濟渠

東是也一開元二十二年移置清陽縣於今州城東

永濟渠之西是也唐魏王泰括地志云清陽故城在

清河縣東北八里蓋指此

甘陵故城在縣東後漢書郡國志甘陵故厓安帝更名

寰宇記故厓城在縣東南三十里其先地出甘草土人

號曰鵲城舊志宋祖昱登古城詩欹斜雉堞暮雲升步屨攀躋僅百層夕照自開秦鉅鹿春風不度漢甘陵山川戰後銷金鏃隧道荒時見漆燈有城烏棲復起白頭相對怨難勝

案水經注之言甘陵者不一一即清河東逕清陽縣

故城西桓帝改爲甘陵郡者也一大河故瀆東逕貝

邱縣故城南山東通志在清平縣西南四十里又東逕甘陵縣故城

南地理志所謂厝也漢安帝父孝德皇以太子被廢

爲王即清河王慶薨於此乃葬其地尊陵曰甘陵縣亦取

名焉是周之甘泉市地也陵在瀆北邱墳高巨雖中

經廢壞猶若層陵矣應劭曰甘陵西北五十里有信

成故縣又曰甘陵西北有信鄉故縣均據此而言也

郡國記謂在今郡東南三十里者又屯氏故瀆東逕

甘陵縣故城北亦此城也又屯氏別河東北逕清河

郡南又東北逕清河故城西漢高帝六年封王吸爲

侯國地理風俗記曰甘陵郡東南十七里有清河故

城世謂之鵲城也據此則是大河故瀆所逕之甘陵

縣與屯氏別河所逕之清河故城當係一地師古曰

厝音趨亦反厝與鵲聲相近或是訛鵲爲厝耳惟考

史記高祖功臣表清陽侯王吸索隱曰楚漢春秋漢作清陽侯王隆

書作清河而地理志無清河縣之名是清陽爲清河

郡治之徵疑王吸封邑應在清陽豈其後因景帝子

千乘都此而遂徙都於鵲城乎酈氏之說或別有據
方輿紀要謂甘陵城在縣西北似誤

清河故城在縣東南本周之甘泉市地秦為厝縣後漢
安帝改為甘陵縣晉省甘陵縣於厝城西南七里置清
河縣為清河國治後魏又置清河縣併清河郡於故厝
城中高齊天保七年又移清河縣於故信成隋開皇六
年又移於州郭即今縣是也

太平寰宇記 宋祖昱清
河覽古詩此地清河國千

秋感廢興秦封荒鹿郡漢隧闕魚燈黨藉遺
風改戎麾浩劫乘何人裁後序猶為賦甘陵

案水經注所載清河故城不一地一即清河自信成
縣故城西又東北逕清陽縣故城西漢高祖置為清

河郡治後漢桓帝改為甘陵郡治者是也一屯氏別
河枝津東逕清河郡北疑即晉於厝城西南七里所
置之清河縣也一屯氏別河東北逕清河郡南又東
北逕清河故城西地理風俗記曰世謂之鵲城疑即
魏移置於厝城中者惟曰清河郡南曰清河故城西
又似判若兩城一漯水注漯水北逕聊城縣故城西
又東北逕清河縣故城北地理風俗記曰甘陵故清
河清河在南十七里今於甘陵縣故城東南無城以
擬之直東二十里有艾亭城東南四十里有此城疑
即清河城也後蠻居之故世稱蠻城此又別一清河

故城也在今山東清平縣境據酈氏所言凡屯氏別河枝津與屯氏別河所逕之清河故城應在今威縣東南及清河縣境清河所逕之清河郡卽甘陵郡漢書地理志之清陽縣也應在今縣東北惟在今縣西北者乃齊天保時移清河縣於故信成也

貝邱故城在故清陽城東後齊省漢之貝邱縣入清河縣而改清河縣曰貝邱隋又改貝邱爲清陽縣宋白曰後周置貝州蓋因貝邱而名

方輿紀要

夏津故城在縣東南隋開皇十六年分清河縣置大業初省唐武德四年復置九年又省寰宇記夏津故城在

清陽縣東南四十里隋開皇六年以縣東有王莽河又有古夏津城相連因以爲名

舊志

案山東通志東昌府亦有夏津縣蓋唐天寶初改漢郟縣置與隋開皇時分清河縣置者不同又漢信鄉侯國一統志表列入山東夏津縣地理志韻編謂在今夏津縣西考水經注屯氏故瀆別河東逕甘陵之信鄉縣故城南應劭曰甘陵西北十七里有信鄉故縣也又清河東北逕界城亭東又東北逕信鄉西北逕信成縣故城西據此信鄉在信成故縣之東南甘陵故縣之西北十七里其爲今清河縣境無疑一

統志列入山東夏津縣者誤也惟漢書地理志注信鄉侯國孟康曰順帝更名安平據地理志韻編漢之安平縣即今深州安平縣治在今清河縣北相去數百里與水經注大異姑錄以備考

古邸閣城在清陽縣東舊志作二十七里舊志作三十七里地

理志云趙平原君封東武城為別邑於此築城以貯器

械因以名之太平寰宇記

案舊志有末桎城在清河縣東北五十里十六國春秋鮮卑段末桎自稱遼西公築城與石勒相持因名考清河縣疆域圖東北三十里即山東武城縣界末

桎城在縣東北五十里是已出清河境二十里矣清河舊志亦謂在武城縣境今刪去

磁州

梁期故城在州東漢置縣屬魏郡後漢因之晉省水經注漳水逕梁期城南地理風俗記曰鄴北五十里有梁期城故縣也漢武帝元鼎五年封任破胡為侯國晉惠帝永興元年驃騎王浚遣烏丸渴末巡至梁期成都王穎遣將軍石超討末為末所敗即此大清一統志

案明史地理志磁州西南有梁期故城方輿紀要亦作在州西南俗謂之兩期城方向與一統志異

臨水故城在州西北魏黃初三年分武安縣置唐改為昭義縣元和志昭義縣東南至磁州四十里魏置臨水縣北齊天保元年移理松釜一作松谷周建德六年廢永泰元年再置改名昭義舊唐書地理志昭義縣永泰元年廉察使薛嵩特置於滏口之右故臨水縣城寰宇記縣在磁州西三十五里周建德六年移臨水縣理故涉城即今河南涉縣是也隋開皇七年移於西戍十年移於今治舊志考舊唐本紀開成四年移昭義縣於固鎮驛蓋非故治矣宋初避諱更名昭德熙甯六年省為鎮入滏陽金志滏陽有昭德鎮後又增臨水鎮今臨水鎮在州西四十

里同上

滏陽故城今州治元和志磁州本漢武安縣地周武帝於此置滏陽縣及成安郡開皇十年廢郡於縣置慈州以縣西九十里有磁山出磁石為名大業二年廢以縣屬相州永泰元年重置以河東有慈州故此加石也寰宇記唐永泰元年昭義節度使薛嵩請於滏陽復置磁州天祐三年勅以與西慈州同名改為惠州十三年又復為磁州舊志有故滏陽城在今州西三里

同上 唐岑參送鄭

少府赴滏陽詩子真河朔尉邑里帶清漳春草迎袍色晴花拂綬香青山入官舍黃鳥度宮牆若到銅臺上應憐魏寢荒國朝米漢雲滏陽道中詩遠近和鳴雞朝暉望欲迷波環隄左右地似灤東西柳影藏鳧隊荷香

送馬蹏賞心隨命酌村酒正堪攜 郭棻磁州道中詩
滏水邯鄲盡磁山鄴下分秋藤迷野潦隄柳澹疏雲田
鹵稻猶穉河狂沙自墳驅
車行役急百里未斜曛

廢安州城寰宇記在滏陽縣東北六里周建德六年置

隋開皇三年廢同上

九侯城在州西南後漢書郡國志鄴縣有九侯城徐廣

曰一作鬼侯與文王為紂三公史記正義九侯城在滏

陽縣西南五十里同上

案寰宇記引隋圖經云臨水縣九侯城即司馬彪注

云鄴西有九侯城是也括地志亦云滏陽西南五十

里有九侯城

臺城九域志滏陽縣有臺城鎮舊志在磁州東北二十

里亦名臺城崗北去邯鄲五十里相傳趙王所築避暑

臺州志在州北四十里有堡同上宋范成大攬轡錄

城中有靈臺坡陀邯鄲人春時傾城出祭趙王歌舞臺

上城傍有廉頗相如墓今故蹟多不存惟煙樹鬱葱

尚堪憑弔耳 國朝楊方冕臺城煙樹詩臺去名仍在

靈陂祗鄧林可憐青蒨色空向望中深 馬長淑詩滏

陽北去見臺城古蹟荒涼動客情池上照眉空想像樹

煙流穀欠分明誰臨潑墨荆關畫好付銜枚頗牧兵太

息當年歌吹地秋 陰漠漠叱牛耕

較城在州西留望里相傳漢光武擊王郎較兵於此方輿

紀要

講武城一在州南漳河之北方輿紀要作一在州西舊

重刊廣平府志 卷三十一 古蹟略 城址 三

滏陽縣皆魏武帝所築

舊志計千年復萬年似嫌蒸土不能

堅祇今講武人何在衰柳殘陽有亂蟬國朝蔣元楷詩講武城頭土岌岌講武城下水聲急水急風狂舟不來渡口行人下馬立此地曹家全盛時雕戈鐵騎爭相馳三臺閣道連霄漢橫梁睥睨嘗賦詩君王開讌臨漳水洞房窈窕紛羅綺帶笑飲滿黃金卮千秋萬歲終難已誰知劫火化飛塵迷離荒阜雜荆榛拋殘瓦礫無顏色曾覆當年歌舞人

王城在州西北王城里周世宗擊北漢時所築

方輿紀要

岳城在州西南岳城里宋建炎初岳武穆駐兵處也

同上

重修廣平府志卷三十八

古蹟略 署宅 坊表坵

永年縣

信宮在縣西北

大清一統志

趙武靈王元年魏韓來朝信宮

十九年正月大朝信宮

方輿紀要作十八年誤

正義曰在臨洛縣

史記趙世家

萬春宮在縣治南今湮

大清一統志

唐武德二年竇建德取

洛州築萬春宮徙都之

舊志

案方輿紀要長春宮在府治南舊志永年縣新志均

作在府治東未知孰是

檀臺在臨洺鎮北舊志趙成侯二十年魏獻榮椽因以為

檀臺史記趙世家檀臺在洺州臨洺縣北二里括地志明

怪成侯竟不歸檀臺今已作漁磯可憐魏獻榮椽後一響秋聲送落暉

案史記集解引徐廣曰襄國縣有檀臺攷襄國今順

德府邢臺縣去臨洺縣六十餘里中隔沙河當是別

一檀臺

廉頗臺在洺州城南十里十六國春秋冉閔遇慕容恪

於廉臺十戰皆敗即此元和郡縣志

案晉書慕容恪傳恪討冉閔趣常山恪追及於魏

昌之廉臺十戰皆不勝寰宇記魏昌故城在無極縣

東南二十八里魏書地形志無極有廉臺在今正定

府無極縣據此則洺州之廉頗臺與廉臺不同地元

和志殆誤引

靈臺在縣南八里相傳為趙王靈臺至今樵豎呼為靈

臺坡築土高數十丈闊一百五十畝皆有甬道東向其

西又有一臺今耕為官田無賦稅疑即此臺畿輔通志

善政樓在府治前元總管邢秉仁建同上元王士熙

嚴號令謹備侍通貨幣興廢舉滯使民不倦聖朝區別疆宇設路以莅州縣廣平路肘翼太行背沃洺水壤地

長闊風俗循美延祐戊午撫州路總管邢侯移治廣平問俗設教井井有方以路治之前有廢址突起可以增

而為臺觀室宇侯相其宜謀於同僚曰五路麗誰不設而枹柝之警無以肅眾庫藏庫陋而公帑之儲虞於蠹

傷盡即是廢址從而借作之豈不為一路之偉觀乎乃倡輸廩稍寮佐叶謀鳩工庀事巖址為臺廣數丈其高半之臺上為室以宅漏鼓堅峻宏敞宜於警退揭之以名曰善政其左為二庫曰常盈乃帑藏之所儲曰平準行用乃貨幣之所通邃密奧深宜於積久是役也一舉而羣美具焉因廢以作新則工不勞因庫以致警則得所防因臺以謹藏則無所虞邢侯之治善矣既落成其郡之耆舊副使劉鑄等相與特赴京師求士熙記之樓即工於延祐六年十月成工於七年九月侯名秉仁字仁甫彰德人

愛古軒在府署明成化間知府秦民悅建置蔡邕書夏承碑於內嘉靖間築城碑毀於工匠知府唐曜重摹之

綴輔同治九年知府長啟因愛古軒舊匾遺失改為

復古軒 房冊 明王經歌高軒愛古因何名漳川太守

條文辭表夏承炎祚至今幾變更中郎字畫鬼神驚護守千載待光亨前此有客心目盲伯樂一顧騏驎鳴忽

焉起豎對軒楹龍翔鳳翥相崢嶸煥發光彩如瑤瓊神物端俟八柱擎觀者方知祥瑞呈周宣石鼓草野橫岐陽置後覆蕭蘅幸我眞主位承明移送太學咸登閱汾陰古鼎表昇平雷澤網出龍梭騰若碑非我太守評時人那得重藍瑛世間何地無俊英願我太守持權衡拔茅連茹上神京大振文化銷甲兵柳炎歌初觀鳥跡開人文蒼然書法皆天真屈強盤拏骨格均沿洞世代還相因周史秦相二篆出漢有八分更超軼我聞石壁太學前六經多賴中郎筆中郎一去千載餘廟堂手迹隨耶墟斷碣殘碑亦湮沒那知猶有夏承書夏承昔作高子長得公此刻延清響何時點畫蝕莓苔中夜精光橫草莽潭潭郡治東塊然同瓦礫秦侯忽見之欣動為洗滌摩挲竟日愛書古起立幽軒脫塵土始知舊物鬼神扶珍重也宜同石鼓輕如墜露重崩雲縱橫矯矯蛟龍羣眼中俗子誇今文家雞野鷲徒紛紛我欲濡毫一揮手臨池學古大如斗只恐旁人為掣肘軒前且飲杯中酒 大興翁方綱歌并序廣平郡解愚据宋拓舊本為摩勒漢夏承碑此軒二百三十載復見建甯碑未改迴視漳川講舍摩何減穿暈痕猶在此碑出土升此軒隸釋當時笑隸原豈意芝英金薤氣仍飛棟戶遶梁間

秦公愛古非全古一半字經成化補那須款記認陳留
除卻中郎復誰語從今莫詔都南濠愛古軒碑價更高
涇陽張公此軒主一笑對客浮春醪前石後張兩賢守
快比秦唐金石壽摹碑書扁力何有區區賤子亦藉傳
朽不

後樂亭在東門外明嘉靖間知府唐曜建

縣志今地採訪

唐曜記廣平故趙地也澤鹵磽瘠無材竹纒旄丹漆之
饒商賈舟車之所不至大較務耕桑安其土著然粟帛
稍羨卽市狗馬窮聲伎以自奉急則椎剽為姦不休豈
非席好氣任俠之風哉比歲數有邊警築三關以扞畿
甸羸糧負輓一切休養慰輯之明年丙午歲大登民樂
其業始因民之樂治亭於陽和門外郡中無佳山川惟
城四周雜植槐柳池水環之有荷有魚髣髴南土視郊
垌為勝亭於斯俾邦人士游息焉秋九月亭成集賓僚
為尤勝亭之樂甚予舉觴而屬客曰嗟乎昔日者軍興
父老而落之樂簡書簿領日夕埤益於予思欲緩帶躍馬
民病於歲簡之野仰高頹深以紓吾抑鬱亡聊之懷而時
逃於昭曠之野

乃繆黻不然今者家有露積之庾關省誰何之卒境息
枹鼓之警野無愁歎之聲而予得以優游無事以樂於
此詎非大幸哉危然後存而樂常生於憂患理有固然
者然予逃觀古之君子感會風雲致身日月之際或剖
符竹建旗鼓為方國屏翰其所寄迹行道之地曷嘗不
欲取榮名流播罔極哉而漸盡泯滅不可比數者何限
惟南國之棠相戒無翦而峴山之石百世讀之者猶涕
下交頤其故可知也嘗試與子登臺而望之想其盛時
士馬繁壯封壤廣饒曼胡詩比之雄姣麗窈窕之色靡
曼要眇之音快意當前自以為極泮渙之娛而人世代
謝忽已如飈霆之過耳荒臺蔓草曾不足以起後世之
一咄由是觀之感應機也廢興時也彰往示來在彼不
在此審矣是故沃土不材勞民向義自古記之唐俗勤
儉瘠土之民也其詩曰無已太康職思其居好樂無荒
良士瞿瞿迨夫山有樞始相勸以為樂示樂不可極當
審所先務也故說詩者稱其憂勤有堯之風邯鄲之郊
去堯都平陽數百里固曩時畿內之地三晉之餘業而
唐叔之遺黎也矜儻巧姦歌舞騎射武靈惠文之故俗
誣誣然羣趣而樂之顧不能憂深思遠推而挽之以復
唐之遺風不已惑哉今天子涵育羣生上躋陶唐况畿

服之氓王化所先苟思所以不辱於陶唐氏之遺則將瞿然曰憂其職之所當盡而不淫於佚樂理民者適觀其成亦藉以免於奪精而不辱夫亮惠之寄庶幾後此而樂可久也不然恣淫沈酒方危殆之懼而又奚樂哉故曰至樂活身無為幾存欲用道術以輓民者固在所決擇矣客曰唯唯因名亭之楹曰後樂且記其說以自省覽

燕譽亭在府署內明嘉靖間知府唐曜建為習射之所

舊今圯房冊唐曜記府治東有圃在昔嘗以藝射歲久浸廢予乃屏榛翳治矢道為亭三楹前庇以

廈如亭之數暇日悉率引弓之民教之冀必有奮武握奇者出焉借作以敵王所愾不直輯甯一障而已亭成予與二三子觴於其中正鵠具張眾耦皆同獻爵不吳各奏爾功歌狸首之詩曰大夫君子凡以庶士以燕以射則燕則譽予既以名亭又為之記

荷花館在城東北隅明萬曆間知府蔣以忠建崇禎十

四年知府歐陽主生重修

通志

今改為清暉書院

房冊

明歐陽主生記略唐柳宗元之紀零陵三亭也君子有遊息之物高明之具使之清甯平夷常若有餘然後理達而事成噫此非獨柳子之言也平干亦畿南都會也冠蓋之使相望萬歷中前守蔣君作荷花館於城外以待過客郡之有亭自此始蓋郡城環河種蓮故誌稱花類數種而其佳者則蓮蓮以廣平重也亭在城東北隅臨河上地歲月代謝風雨摧殘向之為臺榭欄楯者將付荒垣矣前此司李葛君一新之尋漸圯余以己卯冬至兵荒之餘不得遽以興廢為事今年稍有秋父老子弟浸浸有斟紅泛綠之想余於是與貳守王君司李余君永年令郝君圖所以治是館者而意以不欲傷民財力為兢兢會前守程君韋菴捐輸城工之餘存銀六百餘兩今秋順廣道徵其半以佐邢西開荒牛種費而其半儲帑如初余復與王君余君郝君各捐俸若干佐之約得千金余乃慨然曰是問意堂之前有臺翼然俯闡深池稍折而西故有亭址宛在水中央因改建而增廓焉余君則以君子亭題之右為香遠亭屬過客停驂所而

其後則特起層樓為真武閣為帝君祠遴僧守之原夫亭之建者歷年其頽折飄搖半絛於典守之未有其人余之招僧安神為典守計也而復以修葺餘資買地若干畝贍其香火衣食庶使可久哉是役也捐助協勞者貳守王君寵山西靈石人司李余君忠宸江西都昌人為記 胡鳳閣詩環城十里錦為雲菱葉蘋花晚並芬傳到碧筒籌幾換拈來彩筆韻初分柳藏臺樹筵清暑魚戲池波壁動文莫羨當年山簡事風流此會更誰羣暫返仙槎入水雲尊開涼閣占幽分煙疑曲檻風香合月下孤城夜色分為愛波清催洗盞還憐調合許論文芳洲是處堪移席燈火防驚鷗鷺羣

碧雲樓在縣境明申端愍公與鄭慧圃讀書處通志 畿輔

遲山堂在縣境申冕盟故居為雞澤殷宗山下榻因以

名之同上 申涵盼詩曲砌疏欄繞石亭晴窗搖引竹陰青爐煙細細牙籤滿應借琴聲賦鵲鵲

矩園一名帖園在城南午橋西申冕盟讀書處縣舊志 申涵

光帖園記韓家屯世有我申氏別業屯去城三里許在滏河之陰每春桃李夾岸爛然如雲錦夏秋輓轡聲徹夜蓋郡之蔬茹取給焉先曾伯祖南濱公自憲副致仕歸就蔬園為亭榭所謂南濱草堂也先伯祖中丞公擴大之比卒遂塋其地曰夙所好魂魄安焉耳子兒時見塋頭鐫釣臺兩字則仍南濱公園中舊石也先君令杞時別購雞邱王氏園多老樹雜花中一庭三櫺前兩小庭對峙又前為池庭後為臺臺後則門臨水上荻花柳陰隔隄見雉堞樓櫓隱隱水煙中先君自吏部郎里居角巾野服時與二三老友徜徉吟嘯詩集中數言南園卽此乙酉禁旅屯駐兩閱月馬矢所到地無青草牆垣頽毀朱欄折而為薪時喪亂之後萬念灰燼聽其荒廢而已行人折花往往斧其大枝去庭前有海棠兩株高兩丈餘俱折壞久之稍葺牆垣割前半種蔬王寅秋大霖雨西亭圯次年春移諸池之南鑿甕牖於後遙望翠柏垂垂如鏡中題曰泊亭依水又以明志也移東亭於河畔築土而高之外望如樓閣題曰定舫蓋如扁舟繫纜不復汎汎風浪間矣拓牆西數弓地為曲徑益花木之士宜者數種總題曰帖園取毛詩陟岵之義與兩弟約此園永不分析長房主之仕宦及有貴財者時借力

加修治凡花木庭樹有增勿減昔李贊皇云以平泉一
草一木與人者非吾子孫識者嗤其愚若此園雖微我
先公平生遊覽之地一草一木手澤存焉其敢忽諸
申涵盼矩園讀書記矩園即帖園也丁酉歲讀書其中
諸同人皆少年高才恐或放軼蕩檢相砥礪準於禮法
且時方下帷為舉子業務引繩切墨不為詭御期於中
的而後止以是偶以矩名矩園中共六人四人者寢食
其中其二則間一至焉憶當二月上浣予與王子霖
蒼步行至園時天猶微寒掃徑設榻晚宿於亭旁斗室
夜大風雨室搖搖撼動雨從四面灑入提襪被起而塞
之得少假寐侵曉雨歇同出園後立河上方遙望西山
霽色見有擔囊負笈指點問南園者穿徑而至至則殷
子孟肩也晚出所攜酒共飲飲俱醉越一日顧子儒白
至喜各如前約無食言也相與把杯道故又俱醉於是
四人者晨夕相對吟唔不少輟亭中海棠及牡丹盛開
時往年遊人接踵是歲皆從園外望不敢叩扉恐擾書
帷也而四人者時或設席花底執書卷偃臥讀時或移
案臨池摹古本法書明月既上浮白狂呼花片片墮杯
內漏凡三下俱醉寢矣來時攜酒少無何羸竭園又僻
左右無沽處幸午橋者去半里許青帘數家隨沽即至

以是花開時夕夕醉比花謝乃已或亭方午散行河畔
四人者一攜笛一攜右軍帖一喜性命之學而攜宋人
語錄予獨攜彈琴左拓弓右握丸隔河彈林中黃鶯以
為戲幸技拙不至戕禽鳥生間至小黃梁一訪仙蹟當
是時岸上輾轡與舟中欸乃相答往來不絕見四人者
科頭跣足行柳陰中皆以為非塵世人云入盛暑上弦
時席坐荻岸久旱河流淺清泓可沐沐畢復坐坐復飲
飲且醉聞潺湲聲與石相激奔注而下則山雨新漲也
坐園中者四閱月其二則甯子元箸笈細見弟家食
貧不能遠出或文期至或訪友至至則或信宿或竟日
暮而花晨月夕尤流連不忍去月嘗入九醉秋闈迫六
人乃俱散去是年元箸售明年霖蒼鬱鬱死又一年元
箸成進士為史官又二年予亦成進士為史官而孟肩
孺白笈細三人者雖皆為名諸生而猶落落數奇嗚呼
矩園猶昔也雪案螢窗直昨日事耳今屈指已十年矣
而前此五年中已即有死生貴賤之不侔後此者其可
知哉不
可知哉

楊陸凱宅在臨洛鎮

畿輔通志 王光燮弔楊將軍
詩 公生剛勇邁流俗力搏熊羆志

鴻鵠十九晉謁盧天雄願備戎行執矛鏖盧公一掌扶
山河東南血戰埽干戈獎君桴鼓加君秩劄記今日堪
摩娑京師聞警憂未艾詔下勤王督宣大墨練苦塊馳
朔風進軍鉅鹿列旌旆精兵罷卒陸相逢矢窮弦折兼
絕饗高瑞坐擁何太酷大呼瞑目臨霜鋒惟君踴躍能
同死身體髮膚何敢恃但得司馬手足全安惜骨穿千
夫矢嗟嗟司馬不愧張睢陽浩氣直上干
穹蒼偏裨捐軀更奇烈萬春霽雲相頡頏

案雞澤志陸凱永年人崇禎十年死督師司馬盧象

昇之難乾隆九年重修廣平府志凱裔求紀其死節

事邑令以掌牧難之因出陸凱守備劄珠印宛然令

疑其贗堅不肯列志中其裔乃立碑於臨洺關南門

外

察院行署在東大街後改講約所今廢縣志

太僕寺行署在縣署北明崇禎間添設順廣道駐此今

改為遊擊署同上

同知署舊在府署左乾隆五年同知劉叔枚重修後移

廢舊志

通判廨舊在府署右明萬厯間移廢同上

理刑廳署在府署左今裁廢同上

照磨所在府署右今裁廢同上

司獄司在府署右今裁廢同上

縣丞廨在縣署左今裁廢同上

主簿宅在縣丞廨南今裁廢縣志

遞運所在臨洺鎮今裁併入驛舊志

宮保尚書坊大中丞坊俱在南街為肥鄉縣張學顏建

雁塔同登坊姚三讓李杜

明時臺諫坊姚三讓

獨步天衢坊劉俸

翀霄坊杜瑄

一品宮保坊盧大中

大司空坊都憲坊亞卿坊胡瓚

御史坊連鑛

三世進士坊連盛連鑛連三元

三世褒封坊蘭臺侍御坊內臺總憲坊申佐

兄弟進士坊徐瑁徐銳

奕世承恩坊盧廷珠盧大謨盧大節盧大中盧大順盧大道

四世科甲坊杜秉彝杜蔭杜縻杜廓杜汝亮杜霽遠杜汝慤杜震遠

敦廉里坊蔡國熙

蘭臺直諫坊李養志

父子進士坊宋范宋學道

繡衣坊二連盛胡瓚

柱史坊二胡應文徐英

大中丞坊二連鑛李堯德

諫議坊 周京

進士坊十 周京張大謨杜瑄胡瓚胡應文
申綸焦澤王朝相申玠賀思聰

孝子坊 王辭輯

貞烈坊 周京妹
俱同上

曲周縣

鉅橋倉在縣東北 大清一統志 衡漳北逕鉅橋邨閣西舊有

大梁橫水故有鉅橋之稱昔武王伐紂發鉅橋之粟以賑殷之饑民服虔曰鉅橋倉名鉅鹿水之大橋也今臨側水渚左右方一二里中狀若邱壘蓋遺囿故窖處也

水經注 鉅橋倉在曲周 通典

案周書發鉅橋之粟地理今釋云鉅橋在直隸廣平府曲周縣東北杜佑通典云紂鉅橋倉在洛州曲周縣今河南衛輝府淇縣東北十五里亦有鉅橋非也通鑑文獻通考及一統志諸書俱載鉅橋於曲周惟廣輿記獨載鉅橋於淇縣攷淇縣古朝歌地紂都朝歌如鹿臺實聚斂之所既在淇縣之南陽社鉅橋亦鹿臺類也何反遠在五百里之外方輿紀要既列鉅橋於曲周又曰淇縣東北吳里社亦有鉅橋皆紂積粟處蓋於此亦不能無疑通志謂載鉅橋於淇縣當是廣輿記之訛未必然也

康臺在縣東

寰宇記在曲周縣東南平恩縣東五里

苻秦時為閑牧之地

晉太元九年後燕慕容農起兵取康臺牧馬數千匹即

此方輿紀要平恩縣有康臺澤

魏書地

包公行署在縣南十五里南衙村

畿輔通志

浩歌亭在縣署明嘉靖十一年知縣皇甫汭建

國朝乾隆十二年知縣勞宗發重建今廢

縣志明皇甫汭記浩歌亭者

曲梁令尹之所建也曲邑鄙凡官署咸俛焉卑時制下禁淫祠迺遂燬淫祠徙其宮而庸之乃堂宇靡舍靡不煥然崇也爰有羨財相厥隙地就廳事之右方構茲亭焉皇甫汭曰余曩蓋除禫令云引疾不拜迺上疏乞改署遂調國子博士謝劇而履閒葆貞而甘寂非時好也無何仍出補前職恭承嘉會戾止茲土昔潘安仁詩云器非廟廟姿屢出固其宜吁余復何辭已越歲而亭成焉每退公閒坐以安體凝神慮善思過未始不浩然適

也因歌曰胡嘯則違胡曲則之天也奈何矧伊人斯或彈琴命酌酒酣耳熱仰天長嘯又未始不浩然歎也則又歌曰往胡尼之止胡使之來且奈何命也俟之遂名曰浩歌亭乃有友人張崑崙氏者自太行訪余曲梁相與坐諸亭而語之故曰嗟乎此殆所謂赤縣之東南乎可以居子矣因書而扁之又相與和歌而別也亭惟一椽四面皆交疏曲檻也亭之隅有泉引而為池倚而為梁名曰虎溪一曲志懷土也北地斥鹵不生他木為秋英滿臺名曰愧陶幽徑叢棘名曰棲鳳言即不能歸去聊以託吾棲也為記亭成於壬辰夏五月文成於甲午中秋勞宗發記浩歌亭存古也明世宗時長洲皇甫公汭宰曲實建斯亭當是時三皇甫之名重天下公以京僚出不能無慨於中故其自記有曰天也奈何矧伊人斯蓋佗僚閑扼有未忘於情者今二百年許想望風流如或見之乃問其亭則湮矣夕陽衰草斷梗寒煙會莫有識其址者餘微所及式溯無從嗚呼興廢之際豈不可念哉夫池臺館榭昔之人偶一為之而後遂沿為美談標題名勝追尋吟賞徘徊而不忍去而其間好事者或又踵事增飾愈久而彌新若蘇子美之滄浪歐陽永叔之醉翁往往有地以人傳其所託誠不誣古

而然矣公以名士烹鮮惠著茲土含華茹英名彰彰具
在不亞蘇歐間而庇身一椽遠無餘蹟即邦人士其謂
之何余不佞攝官承乏其敢委異人任爰是構材庀工
建亭如式既落成仍以浩歌額之庶幾乎前輩遺風猶
堪彷彿耳雖然公之為斯亭也有愧陶棲鳳之目是其
心誠有以異乎俗吏之為將有所寄以為適者也余也
小草一枝潘黃門所謂拙者之效詎可同年語惟是心
之所慕亦以志也聊存舊軌用表不忘即惡知繼自今
不滄浪醉翁若也詩曰雖無老成人尚有典刑異
日者毋亦因斯亭為典型則公之休殆不泯矣

射圃亭為前明嘉靖時邑令張雲程所建萬厯間教諭

惠承芳因其地濬池注水藝蓮圍亭為邑勝概通志 畿輔

國朝王今遠紀事七月望日晚步至學舍觀右貽作畫
已而皋襄至月下小坐漏數刻徐風襲袂清光墮戶牖
間銀漢蕭蕭星厯落如洗槐枝隱格葉際漏金墮影若
荇藻映波紋彷彿可掇因念射圃亭池畔地空闊曠朗
宜必可觀於是相率往詣至則涵虛混水四圍一碧荻
筍蒙茸匝池岸類堆翠露漬草映月作冷銀色與波光

相帶一鑑平鋪翛翛然沁心骨隔岸垣宇參差宛成聚
落倒印蘸水中淨徹冰壺羅羅堪掬先是右貽染紙作
蔬果數事自謂無心入妙於畫格為眞品至是乃戲謂
曰潭底煙雲粉本工絕斯不可解衣磅礴耶相與嗒然
久之不能去時夜將半寂靜無人聲草蟲吟切切具有
秋意宿鳥驚棲撲撲音相答也遂循道步歸啜茗數甌
而散嗟乎何處無月何處無水清寂空幽自復於此不
減正恐畫船簫鼓轉或失之如余三人者之興趣直不
易得耳書紀之作他日談助是歲乾隆十一年也

一壑園明劉榮嗣故居同上 申涵光詩冷落尙書履

六朝餘瓦硯來冰井牙籤半石蕭森處士居地憐羣盜接人似

杏花塢在城西鄭閣堡相傳每仲春邑令偕僚佐紳耆

讌集於此同上 國朝王今遠紀事二月念四日觀杏
花於鄭閣堡距城計八里出郭門西指紆
轡行道左麥青青遠睨垂柳絮作嫩金色春風徐吹拂
面漸輒道加曲樹加稠花枝格格沙白而草淺則已之

重刊... 古蹟略 署宅

堡矣堡聚數十家泉深土肥婦孺嬉嬉見客闖然駭俄
 萃以觀彷彿桃源人覩漁客至者村樸生蠢野意可掬
 也堡前堆壘壘坡陀漫衍植杏遍上下無行列而有位
 置如丹者含如粉者開欹者側者拒者天少者老而机
 者倒臥橫出高似揖者卑俯者撐拄偃蹇者綴萼敷葩
 離離日晷中迷漫若一相與步其下仰矚天光近摘花
 影晴煙四野依稀空翠滴繡谷間時日將半雲氣蒼濛
 鳥恬恬與耳謀花朵朵與日謀風習習與襟謀意曠如
 也於是傾卮酒藉草坐沙際呼花神而酌之尊觴壺罍
 交映青畦紅樹內春入玉樓融融作暖意不啻別有地
 天嗟夫境地何常勝因人著余土於曲不知所謂堡也
 肯文以言一過之際亦聽其淪沒於荒塵斷梗古蔓寒
 榛已耳則其辱於販夫牧豎之口與目何可勝道不表
 而誌之杏花有靈當貽知己恨爰屬同遊歸以詩紀是
 日也治具為邑侯陸明府共事則錦谿孫美公秦公範
 大兄禹錫睿文昆玉從吾遊者陳子樹三與不佞七人
 陸拱辰詩暖鶯啼繡谷春色問如何樹樹含風轉枝
 枝著露拖雲空看野近村僻得花多欲解金貂醉薰人
 意已醺 彷彿桃源路壺觴近可攜數株沽酒豔一派

倚雲低活色籠衫袖輕煙逐馬
 蹄傾盃饒素賞沙外迴成蹊

察院行署在縣治東明正德十六年知縣劉啟宗建

國朝順治十年知縣李時茂重修又有西察院今俱廢

縣志

太僕寺行署在縣治西北隅正德十六年知縣劉啟宗

建今廢

同上

府館在縣治前明嘉靖十一年知縣皇甫汭建今廢

同上

縣丞廨在縣署西今裁廢

同上

主簿宅在縣署西今裁廢

同上

兄弟聯芳坊

秦邦彥 秦吉士

三世恩榮坊

袁鼎 袁冬 袁宏德

豸史坊同寺名卿坊 張師孟

三代二品坊 劉賢劉選
劉榮嗣

御史坊 路振飛

風紀邊關坊 牛山木

進士坊五 李仁王一鶚楊進道
陳于陞王室垣

世進士坊二 牛山木牛惟炳
霍維蓋霍允猷

孝子坊二 劉憲趙象賢
以上舊志

肥鄉縣

問水亭在東隄上明萬曆間知縣曹昕建 縣志

解橈亭在北隄上明萬曆間知縣萬廷搢建 同上

案以上二條畿輔通志列入雞澤縣茲據肥鄉縣志

改正

函樓在縣境為賀懷菴讀書處 縣志 丑冬十一月函樓成客

揖主人而問曰樓以函名固善其於主斯樓者奚取焉
爾不見夫江河之水乎其在江河也洶焉洞焉無所不
有及分流於支別之外而斯須不能容矣不能容而強
以容名惡在其為江河之實也語未竟主人急起投杖
而再拜曰斯言過吾師丈人遠矣性浮而動靜可以治
器淺而福裕可以治質隘而澆德可以治才庸而疏數
可以治主人四病業兼有之急則佩韋緩則佩紘以當
警觸不亦善乎客退而語人曰吾與主人論樓而得論
學法匪徒竊其似而務覈其實持己持人處事其一以
貫之矣申涵光寄題函樓詩裏孤城煙霧起青莎
白鷺連漳水嗟我同人寤寐中三年書札空為爾聞君
書滿屋身如蠹魚書在腹我亦沙村手一編有書恨不
同君讀聞君兩子才更奇干將步影所至披離前日會
見應制作風流傲岸大似乃翁之所為近日聞君起高

閣朱檐翠竹森交錯終日焚香坐碧空疏簾明月松風
落卽今毒熱難出遊科頭濯足清溪流待到秋深漳水
涸騎驢一日到函樓攜君父子擊木長吟樓頭喫酒樓
下彈琴醉後耳熱憑闌而對野水望落日之雲岑我今
萬事無所戀黃帽青鞵遊汗漫知
子樓中事幽眼前突兀如常見

察院行署舊在縣治東明崇禎間知縣王三俊重修

國朝雍正九年知縣王建中改建於城西門內卽崇德書

院舊址也今廢同上

府館在縣治西久廢同上

縣丞廨在縣署左今裁廢同上

主簿宅在縣署右今裁廢同上

羣侯遺愛亭在東門內今湮沒同上

丞相坊李沆舊志

學士坊竇默同上

雞澤縣

會盟臺在縣東南二十里卽春秋諸侯同盟於雞澤處

遺址尙存大清一統志

案縣志臺在舊城營去縣東十五里顧氏棟高曰襄
三年諸侯同盟於雞澤杜注在廣平曲梁縣西南國
語所謂雞邱是也曲梁今永年縣若今之雞澤縣隋
改漢廣平縣置在永年縣東北非春秋時雞澤也會
盟臺當在永年縣境雞澤志未免牽涉附記於此以

備攷

喻鳧亭在縣境殷宗山自雖甯罷官歸少葺舊廬為幽廊曲檻申鳧盟每歲數過從其間因以名之以自稱鳧盟子故也畿輔通志

案殷宗山為縣東南十八里小寨人此亭當在小寨村

治水亭在縣西十里馮鄭村康熙八年鄉民為知縣姜

炤建縣志

察院行署在縣治東舊志作東北今廢同上

大僕寺行署在縣治西今廢同上

府館在縣治東舊志作東北今廢同上

縣丞主簿宅裁革已久遺址無存縣志

柱史坊田應弼舊志

同科坊王世熙王世爵

繡衣坊王煒

進士坊二劉誠劉錫俱同上

廣平縣

察院行署一在縣治東南舊志作縣治東一在縣治前明萬厯

間知縣陳鑿王一龍相繼重修今俱廢縣志

府館在縣治東萬厯間知縣陳鑿重修今廢同上

鄉約亭在縣東門外明宏治間建萬厯間知縣王一龍

重修改作留行館今廢縣志參採訪冊 都祁記略明與定鼎之初躬彙明倫為善等

書以砥勵世風慮深理邃愚夫愚婦艱於省悟復制聖諭頒布天下令所在有司俾木鐸聲諸閭閻以為與善作德之具我兵憲見吾陳公奉聖諭詳為註釋演為歌章令所屬有司各立會所選耆儒碩士充約之正副朔望講舉俾鄉民環而聽之其良法美意深副廟謨非尋常效職可比吾民慮歲久事湮欲刻石以圖不朽予叨為約之司正乃謀請邑侯李公忻然允行即於邑之東郭構亭四楹兩旁八楹前東西復備義倉八楹立石於中以記其事以至小學等堂亦擇地次第舉行使朝廷作德圖化之心憲公體國牖民之念昭乎百世后之為吾民者本其明倫知有所自慕其德化知有所先無負乎盛世君臣圖治之心則此亭此石於世有補豈曰觀美也哉

大中丞坊三世尙書坊王臣王允武 王世揚

中臺秉憲坊王世揚

亞卿坊少司馬坊馬顯

督鹽政坊馬呈書

方伯坊郝珩

御史坊馬明謨

進士坊二馬快馬顯 以上舊志

邯鄲縣

邯鄲宮在縣西北里許大清一統志為趙王如意所建輿地要覽

光武破王郎居邯鄲宮晝臥温明殿即此資治通鑑北齊武

平七年嘗營治之北齊書 元王暉邯鄲懷古詩黃梁短夢不須驚滿目紅塵過趙城獨上

荒臺重惆悵野花無處認温明 明張一舉詩古隄楊柳拂春風中有荒臺是故宮啼鳥似知千載恨逐人飛過短牆東

叢臺在城東北 大清一統志 高后元年趙王宮叢臺災 前漢書

連聚非一故名叢臺 漢書顏師古注 世祖拔邯鄲與馬武登叢

臺 後漢書 六國時趙王之臺也劉劭趙都賦曰結雲閣於

南宇立叢臺於少陽今遺基舊墉尙在 水經注 叢臺在邯

鄲縣城內東北隅 元和郡縣志 明嘉靖十三年兵備副使楊

彝建據勝亭於臺上

國朝康熙十六年復修為遊觀勝地 畿輔通志 乾隆十五年

知縣懷蔭布增修同治二年知縣英榮四年知縣侯國

鈞相繼重修 縣志稿 唐李遠聽容話叢臺詩有客新

邊去樹繞漳河地裏來絃管變成山鳥弄綺羅留作野

花開金輿玉輦無消息風雨惟知長綠苔 宋賀鑄詩

累土三百尺流光二千年人生物數不相待推頰故址

秋風前武靈舊隴今安在禿樹無陰因樵採玉簫金鏡

未銷沉幾見耕夫到城賣君不聞叢臺全盛時綺羅城

市遊春暉一從瑠瑠閉荒草蕭散行雲無復歸招魂想

像風流在晴華露蔓猶依稀紫紵棘逕掠人衣禾黍晚

成猶貉肥層簷碧瓦碎平地夢作鴛鴦相伴飛登臨弔

古將語誰城郭人民今是非指君看取故時物南有清

流西翠微徬徨華表不忍去豈獨遼東丁令威 金趙

秉文賦歲辛亥之孟冬兮余解印而南歸覽全趙之形

勝兮弔荒臺之故基太行車走以南來兮漳水改道而

東馳伊川谷之變易兮矧人事之推移獨歸然其凌空

兮噫神物之所護持問父老以陳迹兮猶有雙塔野花

之詩也噫七龍擾擾虎戰以龍爭兮譬事勢於連雞或

野兮夕暴骨於齊魏之沙陲翫生靈於刀几兮決一旦

之雄雌得地不足以贖民之命兮忍勞民而築斯方主

古蹟略 署宅

父變服而事威武兮固一旦之雄才收中山林胡為未
 厭兮又窺秦室之狼豺歸來置酒延眺八極兮俯不見
 蕭牆之孕災嗟翟犬之夢兆兮讖百年之厲階何茗華
 之新寵兮晏酖毒之孔懷厭離宮別館之湫溢兮起高
 臺之崔嵬笑章華制度之狹陋兮又况禾稼與茅階輦
 路縈紆以雲疏閣道行空而飲霓奏金石於雲端兮悅
 鈞天之夢迴下仰望而不聞兮微風過而聲哀金輿玉
 輦君王來其間兮左趙女而右吳娃朝琴夜筑為王歌
 舞兮樂未極而哀隨探雀殼於離宮兮豈憶熊膳與豹
 胎痛父子斃於一朝兮人亦念骨肉之瘡痍也古往今
 來日東月西驚歲華之跳丸悼興亡之弈棋歎趙國之
 城郭兮變都成邑而變骨成灰慨平原之池館兮高者
 榛邱下者荒陂狐兔穴於邱陵兮草木深於宮闈地荒
 莽而獸伏兮天莽蒼而鳥馳沈顧寂聽心傷思摧但聞
 蕭條之聲非竹非絲迫而聽之乃在乎羽蟲之摩軋與
 眾竅之喙吹也嗚呼臺向時之臺也山川花鳥亦向時
 之山川花鳥也山川花鳥不知此臺之興廢而臺亦安
 能知人之悲歡而人自悲之然則靚妝炫服臺非以為
 榮也而荒榛斷址臺又奚以辱為然而文王之靈臺燕
 昭之黃金當時稱賢者之樂後世為美談之資而是臺

也蒙亡國之恥與山木之歌亦臺之不幸而強嗤且夫
 今日之悲昔日之樂也騷人懷之而賦詠行客過之而
 歔歔嗟舊物之都盡獨天留兮此臺閱千秋兮萬古作
 龜鑑乎方來意者使一日之樂易萬世之譏也而臺亦
 何負於後哉可弔而不能起廉頗於未衰干將之劍忍能
 既死兮後世之君不能斷讒舌於郭開繁梁棟兮既折
 誅忠魂於李牧兮不能斷讒舌於郭開繁梁棟兮既折
 噫大厦兮將頽非一臺之足悲國無人兮吁可悲元
 好問詩富貴榮華一臺之足悲國無人兮吁可悲元
 山河改空指叢臺是趙家元陳孚詩數點寒峰擁翠
 嵐叢臺日落見漳南火枯襄子殘銅斗土蝕平原舊玉
 簪宮閉沙邱空有雀兵吞函谷已如蠶回仙逆旅今存
 否世上黃梁夢正酣明金貴詩臺上秋月明臺邊秋
 水發不見趙宮人當筵弄秋月白南金詩叢臺一
 邯鄲起趙武靈王宮在此天橋雪洞倚雲霄粧閣名花
 照羅綺臺上絃歌醉美人臺下橐韃耀武土深宮行樂
 日驕奢甯知風雨摧朝夕自從變服霸中原探穀沙耶
 竟餓死廢閣崩橋不計年叢臺此日猶遺址茗榮委謝
 想容顏草色淒涼埋劍履臺下飛禽臺上啼繁華一旦
 隨流水寄語邯鄲遊俠子悲歌感慨徒為爾君不見平

原君食客三千亦已矣 王世貞叢臺行邯鄲叢臺已
非舊請說邯鄲舊時有吳家倩女苕乍榮和氏連城月
初割臺下奏伎邯鄲姬臺下拔刃邯鄲兒銜將恩去身
俱無幾堂中客傍信陵門軍前士死長平壘叢臺不盡
更檀臺回首豪華安在哉自是魯連東海蹈千秋白石
聳蓬萊 楊彝據勝亭記據勝何名叢臺也叢臺何
據據城勝也名不叢臺何鑑亡國也臺故趙武靈王遊
樂之所世傳在趙宮中有雪洞天橋花苑榭閣諸景世
變臺圯頽然荒邱過者與歎有國家者宜鑒於茲甲午
春季几川子飭兵趙地閱城邯鄲至東北隅度臺距城
不尋丈哉然出城表乃大驚曰視生處高相隆無登言
擇勢也天時不如地利言據險也高臺迫城敵或我乘
仰面受敵邑其殆哉臺昔禍趙今將禍我矣乃屬屬吏
王丞景鳩工課程築土環城隅南以北胥連城雉堞如
式民日子來旬月告舉景進曰必成樓乃可守几川子
曰亭費省其亭之景悉心營構合且完以馬政入都請
改命新簿呂彬畢厥美焉厥歲秋几川子再登落其成
也乃勞眾日據茲勝構茲亭邑永賴哉不穀責也爾丞
爾簿爾徒勞厥役哉其以據勝區之司教楊瑄張元傑

者歷階請日臺名古矣大夫載易據勝設險保民善哉
貽厥嘉謀必勒珉以昭永世司土者其有勸經廢理啟
日省月試俾勿壞几川子從之於戲臺固游樂地趙荒
之而後武安君之間入馬服君之子將國用以亡時有
相如頗牧樂毅諸賢不能禁趙雖至今存可也我安得亭
子則秦不能兼漢不能燬趙雖至今存可也我安得亭
之千古而下悲趙惜趙者樂毅一書焉耳不信仁賢則
國空虛臺何有哉是故藉臺而城徵亡而存頗牧樂毅
諸賢復起不能易矣今而後職厥土者新厥臺臨厥亭
者輯厥眾用戒不虞保厥畿輔人和地利胥恃永固不
穀豈直崇觀美爾哉故述其槩以告几川子何蜀人楊
彝也 國朝劉佑詩突兀荒岡徧草萊行人猶為武靈趙
哀金輿翠輦歸何處山色河聲依舊來龍戰幾年驚趙
壁馬嘶此日繞叢臺休悲探轂沙邱事挾瑟憑高醉不
迴情與古遇恨逐時來雄風宛在霸業成灰地闊水去山
逝者堪哀於是憑欄獨往慨然遐想七雄並出武靈無
兩智略沉雄風流恍爽力變華夏之服拓地雲中兼攻
騎射之長通道上黨疾馳出塞折首虜以鞭垂偽使入
關玩秦人於股掌爾乃功名既盛土木繁興天橋琢玉

重修... 古蹟略 署宅

雪洞鏤冰窮工極巧殫技搜能芬楣叢集斯臺以稱彷彿吳宮花驕柳籠依稀楚峽雨鬱雲蒸上出重霄擬鳳凰之雙集下臨無地陋鶴鵲之一層當夫皓月澄秋輕風送夏雪滿前山花開別樹馬號騰黃輦稱照夜洵有情兮環而侍者緬樂事以賞心乃登高而自下開瑄席今瓊筵倒金樽兮玉笋選妙妓兮輕謳吐芳蘭兮奇蔚玲瓏寶瑟音傳漳滏之濱突兀槽邛雅味出邯鄲之醅照眉池上子之清揚莅服市中客甚都雅此固富貴之驕淫抑亦英雄之奇借者也無何沙邛難作事急蒼皇宮門畫閉探穀親嘗望美人兮不見思愛子兮何方施總帷兮銅雀折金莖兮柏梁離宮寂寞別殿淒涼瑤階就圯璇室其荒秋露冷冷兮蟬鳴古樹春雲漠漠兮草蔓斜陽他若相如同車之巷望諸舞劍之房馬服讀書之室羅敷鼓瑟之桑亦皆煙飛雲逝羽化風翔苟撫今而追昔曷勝平日擊而心傷然而堯階舜館禹殿湯宮周秦勝蹟漢魏遺踪千秋盛德一代奇功蕩為泉壤蔓為蒿蓬狐營為郡兔翦為封松耶柏耶半歸樵牧歌者泣者莫辨西東蓋所在而皆然又何悼乎此公酒酌荒陵猶係趙州之士策繙戰國爭誇主父之雄詎不可以破涕為笑而一盪乎心胸也哉辭曰維彼叢臺兮武靈舊

遊城陰架屋兮碑版千秋感深銅狄兮樂去爽鳩俯仰身世兮歲月如流何以不朽兮在厥靈修張慎發紀事余昔家居懷古嘗考宋人北轅錄云邯鄲有叢臺世傳趙武靈王所築其西北有照眉池皆趙宮人遊玩之地按漢書高后元年書趙叢臺火周書靜帝詔美隋王功稱叢臺以北易水以南云夫以一臺之境哉逮余謁史筆動詔書則叢臺者豈非天下絕勝之境哉逮余謁選都門走邯鄲道邸中問及叢臺勝地里人輒與黃梁並稱時未暇登眺迨歲之己酉適分符作邯鄲幸閱城觀所為叢臺者顧僅區區一坏土耳規模雖存傾圮殊甚令人不堪俛仰因歎曰是固天下絕勝之境也而今且何如一日覽邑志知叢臺本在城東北明嘉靖間會薊盜起兵備楊公彝慮其逼城為害乃築甬道與城相連臺上建據勝亭三間自為記勒石丙午前尹董威修城並及叢臺內剗出金人詩二石下又得井一幹丁巳前尹向淇於臺下建書院一所後兵備陳公從風水家言改建臺上自茲而後前尹朱光祚歐陽調律相繼重修代有匾額仕宦往來歌咏佳句頗多或載在木簡或勒之貞珉不猶然天下絕勝之境哉乃遲久至今而風雨漸摧物力銷毀向之所謂絕勝者不能不胥就頽沒

矣余時輒殷殷有修理志願力未逮也越三載歲在辛亥春三月始鳩工起事由下而上先門樓次甬道次照壁大廳據勝亭摩雲閣廚房月臺上下門房牆壁以漸就理盡起其敝者而維新之舉從前匾額具存者仍與繪之懸之詩歌之在石者仍與砌之壁上且前代修理姓名仍與大書並紀以示不掩人善之義比臺成計四月有餘總之天下絕勝之境原不可廢惟在後之人為天下增美之俾永作大觀庶古人有美蹟不至自我而墜也余於此役豈曰好事云乎哉張煥然記略邑叢臺武靈舊遊處距今二千餘年風雨傾頽代有修飾其雪洞天橋諸景久無所攷乾隆庚午邑侯懷公蔭布建行宮其上修亭二中亭即明兵備楊公所建據勝亭簷牙高啄金碧交輝左為御筆留題碑亭四週曲闌迴護城臺相接甬道間有神祠廚舍守臺舍皆粉壁丹牆雕闌畫棟其匾額題聯遊人歌詠或載木簡或勒貞珉者不可枚舉登眺時西接紫山與太行一脈蜿蜒無際東臨滏水帆檣相望欵乃時聞誠一邑之勝境也道光甲申夏遭回祿之災僅餘數椽後復地震臺榭遂成瓦礫矣歷任邑侯每欲修葺皆以費鉅中止同治癸亥秋長白英公榮以名孝廉幸吾邑時值東匪滋擾急完

守備修城之役並及叢臺首神祠為民祈福也次臺垣欲民易守也乃工未竣以憂去繼任侯公國鈞重整一亭即以賞罄輟工居民惆悵僉謂勝境之不易復也不數年間英公復幸吾邑甫下車即籌資以次續修壯麗雖不及前大略亦可觀矣余世居臺右盛衰會所目擊因誌顛末以備後人考核云

案漢高后時趙王宮叢臺災不應在今之城東北隅名勝志云趙武靈王所築叢臺上有雪洞天橋諸景據此則今之叢臺後人所改建非趙宮故址也

洪波臺在縣東南大清一統志周舍死後簡子與諸大夫飲

於洪波臺酒酣泣曰吾聞千羊之皮不如一狐之腋眾

人之唯唯不如周舍之諤諤韓詩外傳邯鄲有洪波臺漢書郡國

志唐李在縣東南三十里洪波城村屬肥鄉縣界畿輔通志

白登洪波臺置酒觀兵詩我把兩赤羽來遊燕趙間天
狼正可射感激無時閑觀兵洪波臺倚劍望玉關請纓
不繫越且向燕然山風引龍虎旗歌鐘昔追攀擊
筑落高月投壺破愁顏遙知百戰勝定掃鬼方還

案元和志洪波臺在邯鄲縣西北五里寰宇記在縣

西三里攷疆域圖邯鄲東至肥鄉縣界三十里東南

至成安縣界四十里據此則洪波臺在邯鄲縣境內

通志謂屬肥鄉失攷

穀臺在縣東北二里相傳趙築叢臺餘土積此通志畿輔

樂毅宅在縣東二十里樂家堡又有劍池世傳樂毅自

燕奔趙居此嘗於池邊磨劍至今其石尙在因名其地

為樂家堡同上

藺相如宅在縣西二十里今其地名藺家河同上

迴車巷在縣西南相傳藺相如引車避廉頗於此同上

雲龍迴車巷詩國事艱危日君心屬望初抗秦堪奮劍
全趙且迴車虎鬪誰爭長鷹揚計未疏列侯多策士誰
更似相如唐隴迴車巷詩憶昔經燕趙迴車巷屢過
古人皆寂寞揮淚灑漳波沙蹟風霜古關河羽檄多九
泉如可作吾欲起廉頗寶克勤詩能叱秦王暴方回
趙相車若非操勝算社稷懼邱墟一避國威壯將軍
亦負荆強隣雖虎視不敢數加兵金德嘉詩矯矯樽俎
相如桓桓禦秦寇完璧出潼關以身殿其後斬衝樽俎
問鼎鏐亦可就豈愛十五城義不受秦垢人臣急公家
精誠塞宇宙異哉廉將軍纖纖為私鬪應之以謙冲交
驩若婚媾嗚呼迴車人高風邈難邁

劉言史故居在縣境唐劉言史工詩歌知名於時從王

武俊獵於野攷其絕句有云舊業叢臺廢苑東可憑弔

詩人之居矣

同上 唐孟郊哭劉言史詩詩人業孤峭

異劉言史詩腸傾珠河取次抱置之飛過東溟波可惜

大國謠飄為四夷歌常於眾中會顏色兩切磋今日果

成死葬襄之洛河洛岸

劉秉忠隱室在縣西北三十里紫山山上兩塔對峙相

傳秉忠所建

同上 唐白居易詩邯鄲驛裏逢冬

古驛亭在縣西南

同上 至抱膝燈前影伴身想得家中夜深

坐還應說著遠行人 明薛惠詩門對采思靜城臨睥

察院行署在縣治東北今廢

縣志

大僕寺行署在察院左今廢

同上

府館在縣治西南今廢

同上

縣丞廨在縣署右今裁改

舊志

主簿宅在縣署右今裁廢

同上

遞運所在縣治西北今裁廢

同上

地官上卿坊節制四省坊諫議坊大司馬坊

張國彥

宮保尙書坊

張我續

父子科甲坊

郭宗賢 郭嘉鎮

天官大夫坊

郝大猷

都憲坊

賈銓

恩褒三世坊

張滕妻趙氏 張繡妻李氏 鄭氏 張國彥妻蔚氏

父子進士坊

張國彥 張我續

孝友世家坊

張國彥 張我繩 俱同上

成安縣

兔臺在縣南

舊志

趙敬侯四年魏敗我兔臺正義曰兔臺

在河北

史記

成安縣有兔臺

大清一統志

鳳凰臺在縣北五里

舊志

有鳳凰集其上

名勝志

明萬曆三

十二年知縣劉永脈重築

畿輔通志

國朝雍正十一年知縣趙元祚再築光緒七年紳民捐募

重修

縣冊

唐呂岩西江月題鳳凰臺詩日落烏啼人

灑世事不堪回首夢魂猶繞天涯鳳凰臺畔即吾家管甚明朝今夜 明劉永脈重築鳳凰臺記成安縣城北

五里許有鳳凰臺父老相傳唐開元七年純陽呂仙師

西適邯鄲曾憩息於此自題西江月詞一首而去迨今

千有餘年文士墨卿騷人遊客登其臺頌其詞飄飄然

輒起雲霞之思焉萬歷辛丑余來牧茲土披閱舊章每

欲登眺其地以狎玩仙蹤將彷彿乎靈鳥之鳴聞雖皆

而洋洋自得也第風塵奔走簿書拮据三載因循未得

一償夙願適纂修邑乘博采今昔始攬轡蹤迹之至則

臺已傾圮僅餘一小邱高不盈尺鞠為茂草因躊躇慨

歎者久之及今不一修葺恐日浸月削則千載靈臺或

不免同廢圃頽垣共消歇於荒煙野露風塵雨夕之餘

非所以存古也遂督密邇居民各具筐鑊借力以崇斯

臺仍將仙筆題詞併邑人屬和者勒置左方以志景慕

山一簣而十仞惟後賢是望 吳維東詩青蛇飛吟黃

鶴舞煙霞客坐江湖主江邊湖上兩高樓濡殺秦皇與

漢武斥邺城北古土堆何人喚作鳳凰臺何緣也枉回

翁駕應向邯鄲道上來落月啼鳥似昔時新茶誰煮復

邀誰蓬萊多少神仙 豕問取通眉長爪兒

寇公廳在縣治宋寇萊公準知成安時與民期會賦役

處今忠愛堂

舊志作忠恕非

是也

通志

明嘉靖十八年修萬

幾輔

歷三十二年知縣劉永脈重建

縣志 寇準春日登樓懷歸詩高樓聊引望香

杏一川平野水無人渡孤舟盡日橫荒村生斷靄古寺語流鶯舊業遙清渭沈思忽有驚又春日書懷詩曾讀前書笑古今恥隨流俗共浮沈終期直道扶元化敢為虛名役片心默坐野禽啼晝景閉門官柳長春陰世間事了先須退不待霜毛漸滿簪又春晝偶書詩白晝偶成芳草夢起來幽興有誰知風簾不動黃鸝語坐看庭花日影移明樊灑寇公聽詩當年勳業冠羣僚聲震華夷萬里遙鎖鑰有司驚北使樓臺無地起南朝半生得喪愁多險滿腹忠貞老未消弔古重尋期會所至今猶見姓名標

察院行署一在縣治東明洪武三年知縣彭子潤建嘉

靖四十二年知縣劉希尹萬歷三十二年知縣劉永脈

天啟七年知縣趙希賢各有修葺一在縣治北明嘉靖

天啟間各重修今俱廢

縣志

府館在縣治東今廢

舊志

主簿宅在縣署左今廢

乾侯古驛在縣治東今廢

督撫名藩坊大中丞坊

吳善言

海岱方嶽坊

王宮用

進士坊二

馬琇張潤身

孝子坊

侯驄俱同上

威縣

察院行署在縣治東明洪武中知縣袁師孟建

國朝康熙十年知縣李之棟重修今廢縣志

太僕寺行署在縣治西明成化中知縣王政修今廢同上

府館在察院東舊志作縣治東今廢同上

經鎮巡檢司解舊設張臺今廢居民尚羣聚焉同上

三世登雲坊郭瀚舊志

大卿坊韓定

翰苑坊韓效方

豸繡坊石永

柱史坊石瓘

大諫議坊中丞坊大方伯坊賈待問

盛世循良坊尹言

三世尚書坊賈道賈民賈待問

父子太史坊王友才王建極俱同上

清河縣

龍堂在縣西十里有古槐一株宛若龍形相傳宋太祖

微時曾避暑其下大清一統志

觀堂在縣治北為金提舉隄掃司舊治畿輔通志趙子崧記北京

恩冀州大提舉隄掃司其治所實古甘陵平波門之東南隅異時規模亦頗宏偉頻年缺正官輒以他吏攝事視為傳舍恬不料理上雨旁風數窘寒暑累經歲月不無頽敝斯以開封劉侯總其事劉侯念是邦治之不修故於其始至不煩領略而百廢俱舉會未累月小大斬斬迨此暇日迺鳩僦土木工飭其廳事新其堂奧廊廡

庖廡皆有矩矱顯敞靚深咸出意匠城中不聞斧斤之聲而丹堊煥然一新舊敞既又即正寢之後北向為堂以燕其體名曰觀堂而乞言於郡從事藝祖六世孫子崧以識之辭不獲已因告之曰觀之時義大矣哉余將為君極言之則大有逕庭不近人情恐未足以適君之意而告來人也退而深思於鑑堂之上三日晚若有得因寫以為銘而與之天地萬物若驟若馳一氣回薄無有靜時眼界芸芸莫之勝紀達人大觀一馬一指譬彼觀水必於其瀾澎湃如風洶湧若山孰知其中湛乎常淵子今超然燕處泮渙收光內視遊乎汗漫推我之鑑乃子之觀軒楹耽耽劉侯經始者後之人尚安汝止勿以燕嬉而墮王事

案記文首稱北京恩冀州北京乃宋朝大藩金改為大名路又云藝祖六世孫攷宋史宗室表有子崧名子崧既為宋人則觀堂決非金時建矣通志蓋沿縣志之誤

鳳凰臺在舊城西北一里即黑風口臺明嘉靖末年築

舊志

察院行署在縣治東康熙十六年知縣盧士傑重建今

廢縣志

府館在縣治東今廢同上

桑林小署在連冢集明崇禎間知縣秦際皞建今廢同上

鄉約所在察院南今廢同上

羈工所在府館南今廢同上

四面坊在十字街南曰古清河郡北曰畿南十室東曰

黃榜同登西曰京闈首解舊志

磁州

靈臺在州北興盛里昔趙王因避暑所築即臺城是也

畿輔通志

鑑清臺在州城南明楊性魯建

同上 楊性魯詩疊土臨流小築臺清溪臺下

自滌洞可堪徙倚拋塵慮恰好登吟愧賦才三徑欲從花樹闌一樽高傍水雲開綸竿只合消長日莫遣羊裘來物色

見山樓在城內元張煥文建望太行諸峰紫翠萬狀

清一統志

天中第一樓在州城中

畿輔通志

舊本譙樓後改今名明

宏治十二年知州章啟建

國朝康熙二十四年知州任塾三十八年知州蔣擢各重

修乾隆七年知州方宏禮馬長淑復新之

州志參採訪冊明邢雲

路元旦登樓詩天中樓閣聳雄都覽勝憑虛亦自娛鶯嶺西來青嶂合漳河東下白雲孤千家梅柳饒春色萬井煙氛入畫圖已為田家占歲事大平風氣叶靈符

遂初園在州治西北金趙秉文別墅

畿輔通志

樸園在東郭外明司馬張鏡心別墅

張氏文徵國朝張榕端記略磁治

東郊外有荒園一區為先王父司馬公遊憩別墅先王父澹樸型家不多治生產即是園亦蘧廬視之逮先嚴推腴居瘠請得是園為子孫讀書地屢欲修葺訖不果今園日益廢目擊繚垣傾圮樵採時入斷橋臥柳松菊全荒心焉怛怛追念先司馬公澹樸貽謀先太史公讀書課子之意欲節衣食稍加完葺以成先志按園左帶滏河右鄰州塹距城東門不半里舊有招提一所背陰面陽前三楹虔塑關壯繆像中三楹奉白衣大士後

為梓潼閣後空地數弓可建屋五楹繚以周垣中植
 花菓顏其屋曰樸園園有汗邪數畝陂塘相屬可蓄可
 洩可菽可蔬桔槔之聲時來左右園東則河流迤帶垂
 柳千章春夏之交殊有晚涼洗馬森木鳴蟬之致渡大
 石橋而東有岳武穆祠坐鎮橋頭酒帘颺風傍岸人家
 疎籬掩映漁人牧豎飲犢垂綸擬置小舫如瓜者沽酒
 釣魚鳴榔載月亦一快也園北窪池一畝許可儲水種
 蓮園後開門亭以臨眺又北更有舊圃叢竹密林蔓
 草鈎棘荒塞殊甚稍剪芟之置竹樓一間與園後亭相
 對照循圃迤北稍東有舊亭五楹院門臨河亭後蒼松
 百餘株微風扇之輒作濤聲與河流間雜可聽林中舊
 有竹亭今久廢過松林西附圃傍隄有池環鬱榮木通
 畝許每春夏引隄水注池荷香周而垂柳拂鬱榮木通
 尺而近北望空曠遠村近落花亭南望圍塼陂池蔬圃咫
 雞豚煙樹模糊遙相映帶亦錯落有致茲計因勢規便
 凸者臺之凹者池之其覆以茅不以瓦其垣以土不以
 甎其戶牖欄檻之屬以素不以采取力省易辦也園成
 率子弟課業其中時錄先正格言講學論文歲時合族
 人述祖訓講宗約取勿墜先型也客至則摘園蔬取河

魚以五簋從事取足洽情好敦道誼也
 要期不失先人澹樸讀書之訓云爾

卓茆亭在州治西元參政安祐建

采芹亭在舊學宮前

州志今廢
 採訪冊元胡祗通記皇

崇建廟學得區宇門庭形勝之美者惟滏陽為最何以
 言之宅神靈則貴乎爽塏幽深聚學者則宜於閒寂僻
 遠不雜闐闐塵囂則神安而道尊學者無耳目之紛亂
 則心定靜而業專攻人欲淺而天機深故近代學者或
 於山林或於江湖遠凡器也滏陽當南北東西之交衝
 車馬塵盈而廟學遠出市井不混民居以州外城為東
 壩殿宇雄邃廟廡修廣師席生齋別為門牆尊遠神宇
 外門之南俯視芟荷平湖長廣數十畝蒲柳龜魚溪光
 山影城市中得江湖之趣亭曰采芹每夕陽西側諸生
 講習餘暇過長橋趨危閣攜琴曳杖挾冊鼓篋危冠袞
 衣州人望之蕭然若圖畫羣仙之登瀛洲也亭廢於金
 亡之兵前牧屢欲復起竟以事梗達魯花赤教化的昭
 信知州曹朝列同知劉承務州判博可進義下車未期
 事辦民安按州志披地圖舉廢典曰遺基在嘉名存花

時夜月席地幕天荒廢質野主州治者能無愧乎甕堊
金木所費幾何而弗為也遂各出己俸以倡始州人聞
之樂為之助不傷西山一木一石不費公帑一錢一粟
不動聲色數月巍煥一新美哉州主知為政之後先也
民安於政平政平於職官之得人材出於學校之教
養斯亭也作成人材之地非止於娛賓友館上官而已
耳魯頌曰思樂泮水薄采其芹魯侯戾至其音昭昭載
色載笑匪怒伊教今日州學古諸侯之泮水又曰穆穆
魯侯敬明其德敬慎威儀為民之則以是觀之采芹之
有亭豈徒為游宴之所也耶不肖州屬縣之鄙人官長
政善徒美而不能文諸石光千古而觀來者鄉人樂善
輕財不能暢其良心播其佳聲是責也誰歸憲臺侍御
史馬公引年謝爵適丁斯亭之經始鼓舞贊成用意實
多亭之落成又出家貲立石以紀其美督不肖當筆喜
為之書

綠野亭在州城西五里明羅綺別墅州志今廢採訪冊
明葉宣詩

雨露恩濃宿草生春風綠野結茆亭萬竿翠竹飄晴雪
四面青山卷畫屏杖倚柴門行樂倦茶烹石鼎醉眠醒

熙熙世忝堯天氏
未許風流讓晉卿

觀家亭在北關外二里許舊名賞蓮亭康熙二十二年

知州任塾更今名為遊觀勝地後傾圮殆盡三十六年

知州蔣擢重修建石橋二座畿輔通志今廢採訪冊
李甯詩觀稼

亭前繞細流蒹葭夾岸似滄洲道旁人影穿殘暑天半
蟬聲咽早秋偶得餘閒聊命酌豈知勝地可銷愁諸君
河朔須懷曠莫負同來永日遊

溢源亭在州西臨水里溢水出其下同上今廢無水採訪冊

射柳亭在北關外五里許康熙四十二年

聖祖仁皇帝西巡回鑾駐蹕於此以路旁柳樹為的

御射三巡三中臣民仰瞻謹聲雷動撫臣徐潮為文勒碑恭紀

復建

智聖神武坊

州舊志

今碑存亭廢

採訪冊 徐潮恭紀碑文康熙四十二年歲在癸未冬十二月

庚辰

皇上下巡閱兵

回鑾過豫是日駐蹕

磁州率

射三巡而

皇太子及扈從諸臣遙指嘉樹挽弓擬之凡

聖天子之文德誕敷已照耀於六合乃天縱神

武俾羣生又得以仰視也伏惟我

皇上七德九

功威靈遐暢為開闢以來史冊所未有每遊用武臣自

分閫以至未弁莫不校其騎射親加黜陟故干城之士

咸奮武功豫居四隩之中

翠華初幸卽示以審固之

盡善縱送之絕倫如此一時將佐行伍益思張其赫濯

而軍容倍整於昔中原要地勢足控制四方永固金甌

於億萬斯年豈徒觀德而已哉爰就斯樹之旁

培護結構以昭

聖心之垂示蓋深且遠也

聖心之垂示蓋深且遠也

聖心之垂示蓋深且遠也

勿拜軒在州署東偏康熙間知州任塾建

州志 任塾

偏有室五楹故蕪穢弗治余來葺而新之種花蒔竹遂

覺塵目一翥聞諸生常吉星家有奇石求得之石高七

尺許罅穴玲瓏疑水中所淘蕩而出者移置於室之陽

負門而立如屏然因題其軒曰勿拜以為公退憩息之

所客曰子之取義於勿拜者豈以手植森然比諸召伯

之棠乎余曰否否余之治盜也救過不遑何德之及民

而妄擬召伯且其勿拜者存乎盜之人為政也余烏能

自植之而自護之其所以名軒者昔米芾任無為州守

入署見文石具袍笏拜之終日坐玩公事頗廢今余之

秩與米同而州務加劇焉雞鳴而起日入未休惟恐以

叢勝獲戾向有於石乎拜之玩之希古人之高致哉故

曰勿拜者就石言之也所以自惕也客曰吾見居子之

上者多矣檄召紛然子嘗謂而拜於墀州居南北之衝

往來絡繹子嘗趨而拜於道是子之拜賤且數矣何獨

於石乎斲之余曰居我上者能榮辱我者過我而南

北馳者能是非我者也吾烏得不拜至於石則塊然一

物耳既無以榮辱是非乎我肯以我之拜輕擲乎哉不

甯惟是或有譖我於受拜者曰任某之拜不足重也嘗

比石於人而拜之矣今又比人於石焉則不以拜為敬

而以為褻不幾為禍之招乎故曰勿拜者專就石言之

也所以自惕也客無對乃叩石而歌歌曰石在乎古榮

如旌石在乎今辱如鯨石乎叩石乎胡弗立於山而立於

人之庭乎

西察院行署在州署西係明太僕分司後改都察院每歲秋冬巡撫移駐於此

國朝罷移駐之役遂改為西察院又東察院係明布政分

司後改巡道署尋改為預備倉

同上

州同廨在州署左今裁改為驛廡

同上

州判故廨在州署西偏乾隆三十年州判移駐彭城鎮

此廨遂廢

續州志

磁營中軍守備署在司前鋪即明按察分司

國初改巡道中軍衙門康熙二年巡道裁改為磁營中軍

衙門

州志今廢採訪冊

巡檢司在州治北三十里車騎關久裁廢康熙四十二

年知州蔣擢因其舊址重建磚門二座

同上

稅課司在州東北半里今廢

同上

官罈廠在南關石橋東後移琉璃村尋復故處又彭城

廠在滄源里明制於此設官窰四十餘座歲造磁罈堆

積官廠舟運入京納於光祿寺

國朝改徵折色廠遂廢

州志

滄陽古驛在州治東北一里明洪武二年同知李允建

國朝裁驛歸州廨舍久圯康熙三十九年知州蔣擢重建

州今廢探訪

遞運所在南關外明永樂十一年知州章士淳建今裁

廢舊志

鄉約所在城內司後鋪今廢探訪

育嬰堂在城內文昌閣後康熙四十五年知州蔣擢奉

文建今廢同上

軍器庫在州治東巡道舊衙門後今廢州志

兩河重鎮坊在淦橋北舊志

翰林坊藺從善

都憲坊羅綺

父子進士坊紀傑紀純

八科進士坊王達羅綺紀傑紀純葛覃王泮俎琚胡經

四俊坊李宇張樸李盛張克恭

三彥坊張郎葛覃王潺

世科坊郭森郭九成郭聰

聯步登瀛坊俎琚

登瀛坊許一貫

都諫坊李己

三鎮元戎坊天朝忠節坊王化熙

盛世銓衡坊清朝偉望坊三秦鎖鑰坊清朝甲第坊常守

信

黃門侍郎坊

張仁聲
張鏡心

兄弟父子司馬坊

張一濂
張三省
張仁聲
張鏡心

義民坊

索文德
俱同上

重修廣平府志卷三十九

古蹟略

祠宇

永年縣

倚郭

藥王廟在城北隄內乾隆十三年重修

縣志

咸豐九年同

治十一年相繼修葺光緒二十年復修

探訪
冊

明山大王廟在城西六十里聰明山上

縣志

廉將軍廟在縣南十二里祀趙廉頗

大清一統志
明王鶴詩
雕戈北

指陣雲深鐵甲南遷旅思侵自合將軍生白髮非關使者愛黃金三朝恩遇亡臣淚百戰馳驅故國心豈謂叢臺蕪沒後燕人伏臘到於今

滏口祠在城南

畿輔通志

永年縣有滏口祠

名勝志

石虎時

自正月至六月不雨佛圖澄詣祠稽首暴露即有二龍

降雨祠下

晉書佛圖澄傳

白馬將軍廟故址在縣西五十里臨洛關俗傳唐羅士信死於此太宗為建廟祀之有碑陷淤泥中云勅守臨

洛城陷被執又云廟制宏廠尉遲敬德督修

縣志

案通鑑羅士信代王君廓守洛水八日城陷被執死是士信死於洛水非洛州也唐之洛水縣在曲周縣地肥鄉志謂死於白落堡亦非是

郭李二公祠在城南三里午橋西祀元昭文館大學士知太史院事郭守敬

國朝知府李梅賓道光十四年知府楊兆璜建

縣志

高公祠在城西八里護駕村祀明知府高汝行今圯

柳公祠在城東五里東橋祀明知府柳希玘今基址無

存

據碑記補

明呂時中記略仕宦而有去思祠者何義哉功德加於百姓百姓難其去則思所由行思之

而無可留又無可報則祠以祀所由起也廬江柳公守廣平三年治行為海內第一朝廷嘉其績擢陝西觀察副使郡人乃度地剏祠肖其像以祀又持鄉先生濫涯杜君所為狀請余文欲書石以視來裔余讀司馬遷史記班固漢書見其所稱循吏傳如汲長孺黃次公文龔朱召之流居則民悅去則見思惠澤洽於當時聲稱耀於簡策誠廩廩有君子之遺風今觀公所行事視諸賢何讓焉余心景慕甚欲執鞭而不可得况其郡人乎斯民也三代之所以直道而行也公以忠信推恩於人而人亦以忠信感之於下可不謂兩合者哉歲時父老率其子弟羅拜於庭曰此我柳公賢而遺愛我等享有今日皆其賜者則公雖去猶如在郡時可謂榮也已因作

詩章令郡人歌以祀之其辭曰有嚴斯堂惟公貌止公
造於邁民瞻則邇洋洋河流惠我孔多伊斯之惠匪公
而何市無易肆農乃安宅樂樂利匪公曷獲我其何
辜洪水爲害惟公救之斯恩則大曷以報之伏臘奔走
獻此椒漿願公福壽自今伊始
蚤秉鈞樞作時霖雨以沛寰區

河陽祠在府城隍廟西祀明知府陳俎今圯同

報公祠在府治東祀明知府劉芳譽今圯同

南公祠在西門外祀明知府南居易今圯同

六公祠在西大街合祀明知府陳高劉南四公增祀知

府蔣以忠同知萬廷言舊志後又增祀

國朝知府沈濤王啟曾李朝儀長啟知縣王德炳今多圯

塌採訪册

馬公祠在城南三里午橋堡祀明知縣馬翰如縣志

耿公祠在臨洛鎮祀明知縣耿鳴雷同

陳公祠在西關外祀明知縣陳所行同

魯班廟在南關同

曲周縣

藥王廟在西關外邑人岳維華建乾隆四年邑人李汝

楫重修縣志

成湯廟在城南安兒寨舊志

狐突祠在縣東南舊宇久廢今存小像祀之畿輔通志晉

大夫狐突祠在縣東南安兒寨名勝志

董仲舒祠在縣東五十九里寰宇記

諸葛武鄉侯廟在喬家堡西廟內又設三義神位採訪冊

李公廟在縣治東祀北魏曲梁令李詭祖舊志明王鶚記略祠

崇祀舊邑侯李公也案郡乘公家世淄川魏文帝朝仕曲梁時殛狐妖塞橫水心切民隱貽福孔多既逝之後民作廟祀之蓋能禦大災捍大患固祀典之所宜祀者有唐封增福相公元封福善平施公則廟之所由建也遠矣明興晉祀名宦廟仍唐封以便民之伏臘薦享災祥祈禳者公多靈異每禱輒應嘉靖初年按使毀淫祠議及公廟稽功德獨存之廟制中為享殿五楹左右翼以廊各五楹前重門次樂樓後燕宮積歲兩廊燕宮就圯迄己未秋鄉民宋淵等請於祝侯斗南倡義捐貲聚材鳩工正梁宇新覆構耀金碧藻簷朱棟飾牖畫垣民咸樂趨事不月而煥然且增建穿廊及廣生殿以循古典以遵時制廟其大備矣乎歲時伏臘百姓祀公於廟而公墳墓在安上村朱邑所謂子孫愛我不如桐鄉之民也則公之尸祝於茲土也固宜與名宦崇祀共垂不

朽矣

韓文公祠在城東南馬蘭村祀唐韓愈縣志陳大霖詩念我昌黎伯

文章曠古奇丹誠衡嶽感精爽鱷魚知舊史披高躅荒村拜野祠衣冠仰止肅百世允堪師

李忠愍公祠在縣治東祀宋侍郎李若水明萬厯間知

縣王象恆建

國朝乾隆間知縣陸拱辰道光九年知縣傅以納各重修

同上 吳穀詩漫道臨盟計盡非危城誰為解重圍丹心終望迴龍馭碧血空憐染御衣南渡公卿應有愧北行魂魄定同歸欲尋舊宅知何處寂寂荒村對落暉王雫次韻防秋鐵甲事全非雲暗孤城大合圍黃屋無家悲紫塞白虹有血灑青衣吳山恨結虞淵返蜀魄冤啼望帝歸故里空餘一片石蕭條落日下殘暉

三巖廟在曹莊明嘉靖間縣丞侯廷訓改祀李忠愍公

上同

王公祠祀明知縣王友賢今圯

張公祠祀明知縣張天德今圯

周公祠祀明知縣周應中今圯

馬公祠在東關祀明知縣馬大儒

王公祠在東關祀明知縣王象恆

張公祠在東關祀明知縣張潑

王公祠在南關祀明知縣王祚昌

趙公祠在東關祀明知縣趙允昌

王公祠在東關祀明知縣王一鶚

李公祠在東關祀明知縣李巖

惠公祠在射圃義塾祀明學博惠承芳

畿輔通志明劉榮嗣記略

曲周縣儒學之文廟在縣東北互城數十武而闢學之東南曰文昌閣蓋新城王夫子作焉西曰忠愍祠又西有巷而塞萬厯癸丑署鐸先生惠公者清澗孝廉也冰心霜質弓冶廚笥關右夙祭酒云談經之暇觀於廟周歎曰廣文哉夫何官然亦不可不有當於廣文也乃用修葺間有規創廟後有隙地不田不池蒙茸凹凸先生曰是不可引渠而佐其虛耶濬之疏之以繩以植以通其巷之塞者而建亭臨水誦詩讀書想見會哲之在沂上焉置閣於旁藏書於閣諸生中多博物洽聞者以先生興也作奎樓於城之巽方面面玲瓏珊如炳如齋庶堦城一切完整琴瑟籩豆靡不新飾明倫堂右設育士倉貯穀四百石皆俸資也諸生饁課婚喪并需於是豈曲中所前有哉噫聖賢之學其大者開來繼往經世之業其小者教化文章先生三載於斯功已可紀事已不勝書廣文哉詎止有當於廣文也噫先生之教曰人期不負其官即廣文未易為也人期不負其人即匹夫

未易為也夫為天下者氣也任天下者骨也斟酌於學問以盡其才斯足尚焉今偷惰成性官與人多自負矣夫惟不求其當故先生以廣文哀然也甲辰冬先生趣任留都曲士拜塵者填漳濱而更繪其不朽構生祠於儒星門左个屬榮嗣記於石先生諱承芳號靜所以國子監助教行爾 國朝趙大山詩并序射圃亭前明學博惠公遺愛在焉日久傾圮邑侯秋卿王公捐廉重葺剋日落成遠企芳徽近欽義舉感而賦此遺愛曾留射圃基百年屋宇漸傾欹清河經畫瑯琊俸重為先生整舊祠 地抱城隅遠市塵小橋春漲綠粼粼師徒供養長生位如此官階大有人 問字人爭蕪瓣香滿堂書韻聽琅琅高槐疏柳陰交護遺愛何殊召僧棠 新祠瞻拜倍關情入坐人思式典型我 亦曲梁傳舊鐸愧無一事繼先生

路公祠在東關祀明都御史路振飛 同略古所謂鄉先生

沒而可祭於社者不獨其德可尊也蓋必有教思之澤及於後人者焉自世風日下而六籍衰微絃歌之聲絕於閭巷強凌弱智詐愚浸尋至於末流干戈交爭而先王之道熄矣邑人皓月路公當其通籍為御史時嘗創

義學一區於城之東關以為鄉人讀書講習之地名之曰公善書院已而流賊蠶起大河南北幾無完土而此地猶得保以至於今昔者漢兵臨魯聞絃誦而弗攻黃巾寇青見康成而下拜今日者人有室家邑多科第未必非公之遺澤也公沒二十年屋宇傾頽惟存廢址邑之士民思公之德乃合眾力舉而新之因構堂三間以祀公落成之日相與踴躍趨拜有垂泣者西河士子長瞻于夏之山益部遺民共禮文翁之像嗚呼公之盛德高風可想見矣公諱振飛字見白號皓月本縣人天啟乙丑進士其居鄉歷官事蹟載在國史家乘茲不贅是為記 劉佑詩夢魂久不到園林豈意雙魚即訃音一代孤臣隨碧草千秋熱血灑青岑星驚櫪馬當年事龍臥荒原此日心蹈海祇期完素志松楸應已愧華簪

肥鄉縣

藥王廟在文殊寺左 縣志

古城隍廟在舊清漳縣明時鄉人張居等重修舊店營

亦有城隍廟蓋移治時所建也同上

成信侯廟在縣南城南堡祀晉程嬰今圯同上 元方虛谷記略廣

平府故洺州肥鄉縣春秋時立趙孤近世封成信侯程姓嬰諱之里也周簡王之三年晉景公屠岸賈攻殺趙同趙括趙氏盡矣而趙武者趙朔之庶子也侯與公孫杵臼謀而藏之後祁奚韓厥言於景公復立趙武史記晉趙世家春秋內外傳劉道原通鑑外紀所書不同然成季之勳宣孟之忠若一髮懸千鈞迄至於今有社稷不墮者誰之力與侯之後世居肥鄉程君玉欲新侯廟不果蔣君思為玉養子繼父志一新之其里人省郎王君英求記其事夫食人之祿存亡繼絕忠臣也程侯宜書為人之後肯乃堂穫孝子也蔣君思亦宜得書是為記

案舊志引隋圖經云今趙人數百家有祭祀輒設客位祀公孫杵臼程嬰二人於趙有再造之功肥鄉趙

地有廟固宜至立孤事在晉國距此千里而遠廣輿記公孫杵臼程嬰皆太原人死葬忻州今以嬰為肥鄉人無可證據亦因廟附會耳康熙志程嬰不入人物部而載其廟碑今仍之

平原君廟在縣南八里祀趙公子勝同上 明郭崇嗣記略肥壤在戰國

時本趙邯鄲地也城南八里厥地隆亢有平原君墓巍然高數丈望之若山然世代既遠有愚民及野僧乃於墓顛建娘娘廟以祈福利殊為無謂墓之東勢稍坦有古廟三間中塑神像蓋即平原君廟碑不存周圍有墓田若干畝歲久蠶食止餘十畝二分正德丙寅廟圯不支西屯莊民鄭諒復建垂五十年廟貌復弛索家寨耆民蔡景暨諒子珣思紹前功復大加修飾大殿寢殿拜廊門垣皆規度嚴整金碧交映大踰昔制肇工於嘉靖乙丑仲春凡九越月而工畢乃懇予為記予覽一統志及舊郡志皆不載趙王廟及平原墓惟邑志載趙王

廟在城南入里而不言為趙何王復徧詢鄉老年長者皆訛云趙簡王廟子疑未的然則無考據姑取簡子行實書石為記時嘉靖丙辰歲也隆慶戊辰有大風南來盤旋碑下碑忽仆碎庚午冬蔡進忠等懼泯其蹟復置石豎碑來請予記且云前碑仆矣予聞而訝曰予曩疑非簡子廟豈其真非而神不欲也乃取文獻通考等書徧閱之其洺州輿地考云肥鄉有平原君墓又考肥鄉八景趙陵春雪注云平原君塚高聳於平田墓陰積雪春暮方融蓋卽此是也嗚呼平原君墓古蹟之鉅者也兵火之後幾不復識豈非以文獻之無徵乎且我明修一統志皆明公秉筆於肥鄉祠墓中亦失考輿地遺而不載他何怪耶按遷史平原君名勝趙諸公子中之最賢者功在社稷彪炳千古考諸傳記赫赫若前日事沒而建廟一方享祀不絕固祭典之所當隆也乃今千載之後守塚斷絕儀物蕭條獨幸遺廟僅存使非鄭諒蔡景等之屢加修葺亦將變為瓦礫之場而與荒煙野草俱盡矣諒等之功烏可泯哉

靖堡廟在縣西勒馬臺相傳唐衛國公李靖行雨處土

人感德祀之縣志

白馬將軍廟在縣西白落堡祀唐羅士信縣志

李文靖公祠在縣治西祀宋尚書右僕射李沆明知府

秦民悅建舊志明徐瓊記略公諱沆字太初今廣平府肥鄉縣人以宋景德元年七月薨於位距

縣西數十步葬之計今四百餘年墓久塌廢弗治莫知所在舒城秦公悅來守是邦咨嗟周詢乃得之協謀於諸同寅相與往拜令知縣王君璣封其墓繚以周垣建祠祀之經始於成化十二年六月初六日告成於是年十月十六日走書於瓊俾為記以刻石且屬南京兵部右侍郎邦人馬公顯速之嗚呼公之相業著於國史天下後世之所共稱矣獨鄉之祠墓久未修復是誰之過與昔畢公保釐東郊以旌淑勸民為首政今秦公守茲土知是責之所在而修前政之所未修是亦旌淑之政也於是乎書李侃重建記略公家世廣平之肥鄉史稱為人性直諫內行修謹相宋真宗於咸平景德間去今幾五百年墓在肥鄉縣西城內堂傾碑斷祀事不

舉者久之今聖天子成化十七年廣平府秦君民悅二
守高君祐肥鄉尹王璣丞武肅等相與積材庀工為堂
而祀之既成命介來告余曰公宋賢相也願有以記之
予嘗慕公有知人之明識見之遠而恆以天齋宋祚不
使其久居相位為憾當真宗時賢相莫如寇準王旦澶
淵之至危王欽若之蠹政非準及旦則為宣和靖康之
亂矣然至抑小人格帝心二公智所不能及者而公皆
先知之如目親見之者準以丁謂薦公不用準譏之公
曰他日後悔當思吾言也及為相果陰害準貶死雷州
公在相府日奏四方水旱盜賊且以為細事不足言公
言人主少年當使知四方艱難不然則留意於土木禱
祀之事矣後果驗且始曰李文靖真聖人也宋自建隆
以及景德君皆憂勤於治未嘗有侈惑而相亦方正忠
義未有如謂之陰險者使當時二公信公之說則陰邪
之謂無自而用天書之惑無自入矣何以長小人之風
而啟欺罔之心哉惟其不然故數十年餘效尤者出如
王安石呂惠卿蔡確章惇秦檜韓侂胄蔡京賈似道之
徒遂得夤緣以進而京之父于與夫方士王子昔王老
至林靈素張虛白之流亦得以此借口專權擅敢竄逐
忠賢大崇土木興兵兆釁卒至財竭民困二帝蒙塵遺

恨千古吾知二公於冥冥中思公之言應歎悔之已晚
也嗚呼公豈不賢於二公也耶二公勳業千載而下猶
能使人愛慕况公可無祠乎公之績如焚封妃之詔奪
西夏之謀炳炳赫赫不可掩者殆不止此特因予所慕
者述之且余聞今之有司不肖故不足議而其賢者於
簿書期會之外亦寥乎其無聞也三四君子乃獨能超
然有慕於公而尊事之其志之所存為何如也 國朝
張翼記略肥邑之西有故宋相國文靖李公寢廟焉距
數十武傳為公隧道不封不樹也其祠則遺礎所存頽
垣斷瓦而已余下車時輒慨然思有以新之而力未克
復竊余平時讀古先正傳必謹識其里居俎豆之處以
為後日游歷所至或得以憑弔焉豈今幸服官而終忍
湮沒置之耶稽公相業著在簡策者甚悉且不朽余又
何所容揚厲為獨是榱桷數楹廢興明代者凡幾隆萬
間屢經葺繕鼎革以來漳水衝突無恆時以故柏枅松
椽鞠為茂草必有以大創之益艱且鉅自丙申歷三載
乙亥余約俸醵所入計百金有奇悉出之為工築費而
民之踴躍用命者千百人採木者於原負畚者於道圻
者職聖蹻者引繩始於秋杪越月而巋然告成若夫時
風雨以護其基勤蓄洩以厚其址則以俟後之繼起而

同志者

竇文正公祠在縣東十里祀元大學士竇默乾隆七年

建同治元年教諭趙文濂重修

縣志 趙文濂記略竇文正公元之名臣名儒

而肥鄉其故里也間嘗博稽史冊高其風懷其地想見其為人而涑水肥鄉相距遼遠興思親炙苦於無由咸豐辛酉承乏是邑九月抵任急詢公之里居始知公係縣屬之城西村人有祠有墓有護墓地三十二畝以供香火歸儒學經管每年春秋致祭見祠堂牆垣傾側門戶摧殘神牌不知失落何處祠外樹幹枯焦墓亦邱壟僅存漸就傾圮急詢其故蓋去歲三遭兵火此地最當其衝蹂躪之餘頽廢至於此極廉心傷目擊有志重修旋因赴府送場未遑修舉試畢與副齋劉光陸商議重修各捐廉俸舍舊圖新以監修之責囑廩生郭慶雲武生尙致二人廢者修之墜者舉之塗墍丹雘煥然一新爰擇良辰恭設神牌虔誠致祭而重修之志於是始酬因敘其顛末如左

魯班廟在城隍廟東南隅道光十年建

同上 柴士珍記略嘗謂百工

皆師事公輪子即業工者亦莫不謂然蓋亦取法乎上之意也亦可見公輪子之巧足以深服人心雖千百年而其傳不替也已丑秋肥邑重修城隍廟工人雲集至庚寅秋工竣有木工賀桐石工常士太者謂諸工曰我輩被公輪師遺澤久矣木有水有源蓋思所以報之諸工曰唯唯遂於廟之東南隅創建三楹以為供奉公輸子之所在事諸公咸捐貲庀材踴躍從事其不在事者皆聞風攸助不旬日而告成直顏之曰魯班廟非褻也從質也將使人廟者睹於目而了於心也時余適以書碑在廟賀工人長跪而請曰願乞一言以傳久遠余慨然曰子之志可嘉矣子藝者也乃能溯厥淵源不忘所自如此子進矣藝也而進於道矣子洵良工哉非子之好義不及此非諸工之俱好義亦不及此爰書此以應之俾世之背師忘本者見之或亦慙然知愧也夫

增福廟在縣治南今淪沒

同上

雞澤縣

文王廟在縣治北鳳起山西卽帝君廟舊址康熙六十

年建一在縣西東柳下村縣志稿

扁鵲祠在縣南三陵村舊志明嘉靖四年知縣張時啟萬

曆三年知縣李希慧十一年知縣張賀二十六年知縣

孫登雲各重修採訪冊元王磐詩昔爲舍長時方伎

爲至仁覆盆不可燭先生炯雙眼毫釐窺肺腑誰知造

化者禍福常倚伏平生活人手反受庸醫辱千年廟前

水猶學上池綠再拜乞一杯洗我胸中俗明趙奮記

略雞邱治南三十里許村曰三陵有鵲山應王廟其創

不可考也時適重修鄉民僉求余文以記余惟廟祀之

建恆以義起亦以愛遺但澤淺者日久則湮欲永血食

弗獲惟茲鵲王古神醫也姓秦名越人出自渤海家世

虛國遇異人授以禁方求之者病輒起活人之功同軒

轅時扁鵲因以盧醫扁鵲稱之宏治年間戶部主事王

潤觀其廟貌傾摧無以妥神靈卽倡新之並輔孫韋二

眞人於左右正德五年鄉民王鳳來等補其未備翼以

廊廡樹以門屏週以牆垣煥然整飭嘉靖癸亥半圯於

水鄉民周李王范諸姓願身任其事鳩工積材重新廟

宇四方趨事者不憚勞苦而樂效力廢者興缺者完隘

者闕幽者煥規模嚴聳氣象偉麗巍然壯觀而人尊信

幣益崇每歲季春大設會場遠近士女咸爭先以納香

之以揚重修之休張學顏記略古洛州雞邱治南村

曰三陵北隅有藥王廟其原起詳趙記中不贅今萬曆

十一年文林郎知雞澤縣事古秦張賀典史李守道感

王之靈恢拓舊規督司正秦淮善人王嘉誥等鳩工積

材增修前殿聖母殿三官殿拜殿青龍白虎祠三郎太

尉祠鐘鼓二樓兩廡補其殘缺週以牆垣植以樹株越

十六載始竟厥工但見瑤華奪目丹碧飛空誠哉棲神

之所也余因鄉人之懇敘其一在南雙塔村又名藥王

修建之由以著其非淫祠云

廟縣志稿

案康熙志扁鵲廟壁中鄉民修蓋拆出古印一顆不

知為何代物復置於內

李公祠在西關祀北魏曲梁令李詭祖一名增福祠畿

輔通志

崔府君廟在焦佐村縣志稿

郭公祠在縣南八里北馮鄭村祀元太史令郭守敬畿

輔通志

殷仲子祠在學宮南祀明殉難生員殷淵同

四忠祠在名宦祠南乾隆十八年知縣王光燮改建光

緒六年教諭賀家駿重修縣志稿王光燮記略雞澤

死節者有若胡永亨以訓導死節者有若崔世勳馬騰

龍騰龍與仲子同遇害者也以縣尉死節者有若范蘭
茂蘭茂職最卑而死更烈呼二子俱殉焉雍正間
詔天下建忠義祠四人外籍不與又以官卑不得入名
宦祠嗟乎忠魂常鬱泉下而祀典闕如豈我朝褒錄
幽忠意哉且夫運當傾否而殉難諸臣視死如歸徒供
兵燹之一燼卽縮半通居末秩者亦不敢苟且求活而
見危授命激烈動人斯又死節之絕奇者矣然而于戈
擾攘中死節而名不傳者何可勝道吾猶幸四人之得
列於邑志百年來一展卷而生氣猶凜凜楮端也因於
戟門內構庭一間為四忠祠與仲子祠輝映春秋祀之
庶慰當年死忠苦志且立懦廉頑俾後世有所興起乎是為記

廣平縣

岳武王廟在東關外縣志

李公祠在縣西北祀元高郵知府李齊舊志

申公祠在東關外祀明知縣申溪縣志

李公祠在縣北焦家莊祀明知縣李固本同上

馬公祠在學宮西祀順治間知縣馬剛同上

顧公祠在東關祀順治間知縣顧如華同上

高公祠在東關祀順治間知縣高爽同上

張公祠在城內德化街名春熙書院祀康熙間知縣張

思齊同上

案馬顧高張四公通志均誤作明時人茲據康熙志
職官表改正

旗燾廟舊在縣治前今圯同上

邯鄲縣

藥王廟在西甕城舊志作城西誤明崇禎間邑人張問明建縣志

趙王廟在縣東二十里舊志

三義祠舊名三忠祠在叢臺西南明萬曆十九年知縣

盧龍雲建祀晉程嬰公孫杵臼韓厥

國朝雍正間知縣鄭方坤移建城西東明觀右更今額舊志

參縣志稿 明盧龍雲記略余隨牒在趙每於政暇登
古叢臺眺趙氏遺墟憶趙之先自烈侯而下雄於戰國
者百六十年亦會思趙之所以始乎當屠岸賈之矯以
君命而將不利於趙韓厥告趙朔使亡朔不肯而曰子
必不絕趙祀朔死無恨韓與之諾君子謂成敗利鈍未
可逆知非厥之盟諸心者定詎能必其言之可復耶下
宮之難趙氏所由不絕者賴一遺孤在耳岸賈索之方
急人誰不愛其生而孰敢捋虎鬚為哉公孫杵臼毅然
以死當之陽與他兒匿山中甘受誅戮無悔所以曲全
趙孤者意誠獨切矣藉令程嬰而非可與成大事者則

山中十五年不過與鹿豕草木同偶亦奚益於趙之存亡也惟其蓄謀積慮待時而發而一念忠貞矢死靡渝幸天不絕趙宗韓因機而相之卒能反攻岸賈再立趙後乃從容就死下報公孫嗚呼烈矣余聞趙氏數百家每有祭祀必別設客位而祝焉亦趙武愿苦筋骨以報之遺意與三子者或死於前或死於後或不死而維持於其中總之趙氏忠臣未易以輕重焉者也其信義明如秋霜忠誠炳如烈日千載而下凜然猶有生氣視末世偷生免死朝君臣而暮仇敵者可同日語哉余入趙二年因講求祀典而歎潛德之未彰也為建三忠祠於叢臺之下使後之登叢臺者覽趙國餘勝而因以頌三子之功不衰焉或曰三忠忠於趙者也趙之侯王去此而死者且數千年彼廟食得終趙氏而與國同存亡幸矣更祀奚益余曰所祀三子者非為趙崇報也為千古之遺忠重耳過是祠者瞻望而微惕焉忠節之念豈不油然而興乎如或以生死禍福變其志以盛衰久近易其言皆不容於三子者也况敢有欺人之孤而甘於岸賈同族者哉若是則不可無祠矣是用識之於石以告諸來謁者曹鼎詩左氏但聞由二憾馬遷纔復記三忠傳疑傳信知誰是總在寒煙冷雨中

四賢祠舊名三賢祠在西門外明萬厯間知縣盧龍雲

重建祀趙藺相如廉頗李牧歲久頽廢移於城東北馬

神廟內

國朝雍正間知縣鄭方坤改建南關外增祀趙奢易今額

舊志參通志 明盧龍雲記略邯鄲舊設三賢祠久而傾廢故址尚存諸父老謂業已附之鄉賢故不復葺余入趙以來雅慕三氏即舊無祠余固且創為之安可以既嘗附祀遂可沒其專祠乎乃捐貲鳩材始事重修或曰時方多事烽燧時驚正慕藺而拊髀頗牧時也修之誠宜試觀近代將帥之臣亦安有能踰其勇略者乎余曰非然三氏勇而能怯余始重之如徒以勇而已則趙之武夫鼎士衽服成市者豈少乎哉而未可以賢稱也古稱燕趙多慷慨之士不患其不勇患勇之無義焉耳余觀趙人每有小忿輒悻悻不相下無論鬪雞走馬屠沽賣漿者習焉成風即章縫之屬猶然不免是皆不講於三氏之術者其亦能因是祠而思之否耶 國朝鄭

方坤記略邑故有三賢祠在城西東明觀右三賢者趙上卿藺相如廉頗武安君李牧也案國策馬服君趙奢其救韓破秦軍赫赫人耳目與三賢無以異又史記藺廉李趙同傳則亦宜同祀明矣因擇地南郊外與三賢者立祠合祀之顏曰四賢祠四公之靈有知如各獲良友且俾邑人共知四公皆趙之良六國時趙之最强不受困於秦者四公力為多是邑人食四公之德由來甚遠今日周旋俎豆之旁能無流連慨慕如覩如聞矣乎則所以奉四公祀者宜永垂不朽矣既以告邑人並刻諸石

望諸祠在叢臺下雍正六年知縣鄭方坤建祀樂毅今

廢縣志稿鄭方坤記略按史記樂毅其先為魏將至殺趙人舉之會沙邱之變適魏為魏使燕因仕燕伐齊之役齊田單用反間惠王使騎劫代將毅復歸趙趙封於觀津號望諸君故至今稱望諸君云舊無廟趙人以為憾余為度叢臺下武靈王廢苑中立祠祠成記之後系詩一章以侑神焉昔公歸趙舉國權迎今公胡往數尺荒塋我求公宅煙斷草平怒馬流涕野老春耕干百年後思安厥靈武靈廢苑植屋三楹風朝雨夕聞有

人聲咨嗟歎息似報書成迺者歲序詣公廟門既有吉酒亦有香秬神其鑒止無忘趙人

李衛公祠在城東北末馬臺相傳唐李靖統兵過此秋

毫無犯後人祀之一名靖堡廟舊志

董公祠在城內祀明知縣董威今廢縣志稿明張成

名威字重夫舉嘉靖辛丑進士為魏令以才改令邯鄲授御史今晉秩大理公為御史時每道出邯鄲輒問民疾苦苟得其情往往為之建白今為大理去為令之日益遠即稱長厚者或於吾民亦未必介然於懷矣及有所欲訴而百凡為之所者亦猶為御史時嗟夫民以是安得而不思哉乃相率以祠之是役也郡判劉公鳳邑令向公淇實仰懿範特立祠以勸有位故役成而為之記又祠田記略祠成郡民歲時稽首於庭乃相與周旋棗棟用辨良楛於是眾相謂曰有祠不守何以告虔有垣不廣何以具瞻於是築室祠東以居守者因廣舊垣二丈許各退翼室以附垣仍樹坊於外以表之且曰是祠也昭德宣聞期於勿替然飭材薦時不田不粟若

祠何乃復捐貲購田若干畝割入在城社一甲里長張林領之因注其籍曰董遺愛仍於田間立石記乃疆事可謂不忘令德矣雖然或有偷民焉時趨而風靡習草而信偷將不有田不輸粟不庾者乎今購之而後漁之懼不可世也濫觴弗戒後誰與防盍於均徭之歲特立庾人焉責之曰粟爾儲賦爾輸時而薦材而飭里長守祠者仍爾譏歲登其出入官授其籍而考其成斯之謂不漁不漁而田祠其永休民曰善乃謂張子為記

向公祠在城內祀明知縣向洪今廢

同上 明張成教記略公以嘉靖癸

丑進士來令茲邑越丁巳陟南京工部主事既去而民思之弗置也祠之祠成乃鄉者託丞告於今令楊公公曰祠公者邑之人則記公者亦宜邑之人問記於余余惟公之政庭不見其察察而民惟見其舉其始也不見其有所更張其終也惟見其有所底績古稱良吏所居無赫赫名而其去也常見思公可以語此矣祠成肖像乃士民薦尊稽首因詩以侑觴俾歌之曰維紫峩峩維沁湯湯環翠耀靈乃建斯堂居堂者誰宛矣令儀汪

汪者度疊疊者資朱旂白馬儼乎來歸春陽可掬至恩敢威我思曷酌九月既秋十有八辰誕生我侯我拜我舞我歌我鼓願綬元禧永為民父

僧忠親王祠在西門裏同治五年捐建凡邑人古今忠

孝同祀此又名忠孝祠

同上

福神祠在縣治儀門外左

同上

成安縣

魯昭公廟在縣東北一里

舊志 明安謙詩驅車出東城高原聊逞眺鬱鬱見頽孺

云是昭公廟陳迹翳蒿萊霜風起寒燒世亂絕綱常日入無返照當時千乘君幾為匹夫笑感感羈旅魂茫茫不可弔千載同一傷感激出中竅

成安君祠在縣治西北祀漢陳餘明嘉靖二十年知縣

萬文彩改建圓照寺東

大清一統志 萬曆三十三年知縣劉

永脈重建今廢

舊志參縣册 明劉永脈記略成安君

致祀蓋以成安故趙地君為趙將而此實其封爵云君
之由封不可詳嘗披史遷列傳君始與張耳為布衣交
嘗受答耳於樹下數語而悟其規模識趣卓然宏遠矣
迨與淮陰對壘井經廢左車計輒自稱義兵不用詐謀
竟以殞身儒者頗為惜之趙地古稱慷慨悲歌之俗曩
時豪俠如武靈平原望諸藺相如諸君子今人每一念
至輒有扼腕興慕者况生君之爵邑聞君之梗概有不
懷仰者乎則其立祠奉祀永永無斃也固其所矣祠舊
坐豫備倉後成化十三年前令何君讓奉郡守秦公檄
彈力重新之有江陰吳公啟記石在焉嘉靖二十年萬
令文彩復移置圓照寺東前為門屏中為正祠後為羣
房益加壯麗迄今垂六十餘年正祠會經補葺尚堪奉
祀羣房已湮沒無存門屏浸成敗壁至斷碑偃伏草萊
中半生苔蘚更殘缺不可讀矣即宜及時鼎新緣改建
文廟暨城隍神祠財力俱拙工未易就姑為新飾門垣
重懸匾額復礮石付剗剛氏勒此數語俟懷古君子得

有所考而增飾焉是則余追崇前哲意也 吳維東詩
一鵠摩霄羣鶴起關西鹿走關東喜誰從白馬渡黃河
大梁名儒陳氏子霸業只消馬箠成男兒肯作鴻毛死
怪底奇謀失左車看來頑福輸張耳湯沐千秋俎豆存
英風颯颯來泚水 李齊芳詩豪傑方歸漢孤軍擁趙
城論交何按劍報國有捐生故壘長河急荒祠斷碣橫
年年伏臘裏老穉已含情 查克練詩古柏陰森棟宇
幽將軍生氣未全收何當漢帝興龍日更值韓侯逐鹿
秋泚水東流應寫恨 陸雲北向亦含愁於今廟貌崇千
古莫問當年廣武謀 朱禮詩信耳全智勇漢兵精復
強專闖數千里其鋒莫能當長驅入井陘萬騎如龍驤
賢哉李左車多算深且長謂言守斯險二將悉可戕奇
謀竟弗售坐待泚之陽無何大將出未戰先奔亡空壘
逐信兵疾若龍電光既入背水陣彼此相頽頽俄然易
漢幟歸騎皆倉皇悲哉成安君身首各一方千秋過乾
侯事往人已亡惟餘昔時廟猶存舊封疆停驂不能去
遠樹空 蒼蒼

案郡屬成安縣置自高齊陳餘漢初人此非其封邑

無疑史記正義謂成安縣在潁川郡漢書地理志潁川郡有成安陳留郡亦有成安餘所封未審孰是究於此成安無涉邑人立祠既謬舊志復以餘與趙諸王竝列封爵尤為失當

仰功祠在縣治西南祀宋成安尹寇準明知縣桂萼舊在縣治西北嘉靖二十五年知縣萬文彩建萬曆三十

一年知縣劉永脈改建今地縣志 明李三畏弔寇萊公詩會憶當年恢相業不

知此地鬱棠陰我今祠下聊瞻顧愧與先生步後塵

遺愛祠在城東南祀明知縣章允賢嘉靖十九年建萬

曆三十一年知縣劉永脈重修同上 明王朝相記略章侯九華治成安懋著

循良民憐以孚當道者嘉之旌章疊疊越兩載僉曰九華子賢最資深矣交章薦之天子天子曰是宜作朕股肱耳目者也侯得檄戒期以行行之日士張祖民臥轍呼曰我侯舍我而去其將焉攸庇哉泣然涕下途之人亦為歔歔既去越月邑賢士大夫長老童子泊諸毗隸無慮數百人詣余請曰我侯九華懷柔我土厥澤維殷今往矣我輩少日以壯壯日以老後我輩而生者或不知有侯亦不知有侯之澤也僉議肖像作祠以彰遺愛惟子記諸石用垂不朽庶我侯之澤久而弗泯而沃其澤者亦獲以永厥思也余聞而感焉昔宋有寇萊公常治斯邑而澤被於邑之人其竟也躋相位樹奇績景德祥符間天下以其身為安危要亦自其施諸郡邑者而擴大之也即九華所以繫民思者觀之今昔豈易致哉詩有言豈弟君子民之父母九華所謂其人非耶

衙神祠在儀門東舊在儀門內東偏明洪武三年知縣彭子潤建中祀土地神配以漢相國蕭何曹參嘉靖十七年知縣章允賢修萬曆三十一年知縣劉永脈改建

今地

國朝嘉慶五年知縣孫培曾重修續縣志

旗纛祠在演武場同上

威縣

曾子廟在南關五十五世孫守珍建縣志

廣宗王廟在縣西北八里定陵堡說詳陵墓畿輔通志

李忠愍公祠在縣治南明嘉靖間知縣胡容建祀宋侍

郎李若水舊志明胡容記略匹夫繫中國之望完節

垂之青史爭光烈日使千載之下讀之者猶有所興起而顧泯於其鄉典型猶存風聲弗樹豈非守土者之責與容讀宋史至李忠愍公若水死節金人稱之曰南朝惟李侍郎一人未嘗不歎其殺身成仁於顛沛流離間

也靖康之變蔡京童貫諸人實釀成之既而汪黃誤國秦檜議和宋遂不振以至於亡是數人者當時非之後世詆之一污青史雖孝子慈孫百世不能改公則犯顏諫爭見於面斥同列之語從容就義見於家人衣帶之詩身死社稷而三綱不淪名重異域而中國不辱節完一時而萬世不泯傳曰死有重於泰山公之謂與容視篆洛水之初謁先師廟次鄉賢祠見首祀公竊計以公之忠當為專祠後三年政通人和百廢可舉乃即縣治西隙地為堂三楹以祠之既成紳衿士民聚而觀之曰數百年曠典也容因諭於眾曰嗟乎為臣死忠分也以公之大節亦自以為分之當為一祠之有無奚足為公重輕顧表忠貞植風教以盡守土之責景先哲序人紀以得後學之師則斯舉也亦不無萬一之助云方大鎮詩侍郎故里尚遺祠下馬低徊不自支朔漠車塵天地慘白溝涕淚古今悲春雲四暗孤城樹青草深埋斷砌碑試問江山今幾改凜然生氣在華夷張璞詩隻手難將二帝歸誓撐鼇柱奠天危忠留古柏枝南向魂化靈鷲背北飛有甚於生須慷慨此何等事肯依違讀君衣帶臨終語幾度西流淚灑衣

陳教諭祠在縣城祀明教諭陳璫

平同知邱東魯氏以伴來言曰威縣吏奉提學方公之檄重修陳教諭祠蓋允諸生焦弼之請言祠廢者已十餘禩及閱狀曰陳子名璫莆田人成化丙午以詩來教授病諸生業荒乃融衍毛傳為講義令其熟之以求經陳子古朴人也日勵士師法聖賢卻其束脩之以求經問凡四年遷教國子士久而思之因專祀焉

清河縣

藥王廟在縣治東康熙十六年知縣盧士傑建

記略自黃農君臣創為本草素問難經諸書開千萬禩醫藥之源而登于萬禩於樂壽之域後世尊崇之為藥王其來久矣天下都邑無小大多建宇而祀之清河昔雖百雉今僅彈丸滄桑非一變所謂藥王廟者此日之既無亦不必問當年之曾有也余承乏茲土下車時觀城市荒涼民居寥寂至於泮宮察院與諸神祠皆剝落傾圮或為瓦礫或為茂草思欲盡為輝煌之有非旦夕所可冀者濫竽七載竊幸政簡刑清悠悠閒暇之中用

得以次第而補綴業先修泮宮次察院關帝廟城隍廟獨是藥王一廟未建於前不能不補茲闕略爰為捐俸鳩工遂巡幾二載甫竣其事今且落成矣雖規模未極宏深而殿閣門廡美輪美奐在此地觀之亦庶幾合度耳其上建玉皇閣下即藥王殿奉金容之璀璨禮冕服之莊嚴伏臘歲時偕我白叟黃童得以虔修祀典當亦不朽之盛事也昔人觀河洛而思禹功今一邑三鄉羣庇福蔭而躋春臺則頌藥王之功又何可紀極哉敬為記之

廉頗將軍廟在縣西南八里今廟廢遺址猶存

詩欲識將軍貌荒祠到幾回邯鄲春草合鉅鹿夕陽催棄置緣秦間功名誤郭開至今蘋藻薦猶用趙人來

雙忠祠在城內同治十年知縣王鏞建

諫臣白馬令李雲司馬昭南闕作亂殺魏忠臣王經二公皆生於清河雲有墓經無墓均不聞有祠而祠宇之修乃遠成於二千數百年之後吁奇矣竹堂王君馨壬戌所取士也供職比部時每欲集繪二十四忠圖以配

二十四孝借以維綱常而廣教化李王二公咸在焉圖
未成少君鏡泉太僕戰死清豐遂改官直隸辛未調署
清河下車首訪二公祠墓慨遺迹之無存創修有志秋
分後迺建二公祠於通衢曰雙忠繪其象聯其楹並考
其迹而崇其墓以遠慰忠魂嗚呼州縣如竹堂可以風
矣祠成索序於馨馨不文不足以闡揚二公辭則不敬
因勉成數語而寄之以勒碑首

五公祠在縣東南新集祀少師夏言御史錢如京尚書

樊繼祖知府華津張希尹舊志明趙廷瑞記略廣平

窪下民恆苦水患極窶且艱東南新集鄉曰蓮花池者
國初有沮洳田七百餘頃令民開墾蠲其稅厥後德藩
以為閒田請之田遂入德藩歲徵銀一千七百兩民始
告病正德初逆豎擅權姦人乘機投獻戚畹慶陽伯夏
儒因請為莊田賂逆瑾差中使來按括地三千二百餘
頃嚴刑迫民歲課十倍於昔民至鬻產易子不能輸屢
叩閭陳訴不報有司相顧恚睢亦莫敢誰何也正德八
年桐溪錢公時為御史按歷茲土閱積歲奏牘知其情

力為陳請命廣平知府華君查理始得減課如德府之
數畝徵銀五釐二毫五絲然瘠土之民財力俱困譬之
廷贏之民雖扶策強步病根猶在而豪猾每於常課之
外箠楚剝削必極其欲而後已加之水患相仍蝗蝻為
災轉輸不前控訴無計哀鳴嗷嗷相視待斃又羣往申
訴於朝恭際皇上御極洗滌弊政百度維新勅科道部
屬才望德器為朝廷所推者往勘於是今上柱國少師
桂洲夏公奉命行焉同事則前兵部尚書雙巖樊公以
御史行武昌知府張君以戶部主事行比至桂洲公矢
心徇國得其姦狀清河被害之實具疏聞朝乞以地歸
諸小民止輸常賦天子可之詔奪以還民俾世惟正之
德毋變貴戚斂手屏息而蒸黎始知有生之樂矣於是
逃者復病者起困苦瑣尾者謳歌忭舞徧於四野漳洺
之間熙熙然一樂國也邑人懼無以圖報遂相率立祠
肖公而俎豆之朝夕展拜十餘年後祠為水圯嘉靖庚
子春邑民葛振綱宗舜等乃聞於巡撫為措財以新之
明年春三月工告成祠堂五楹中設五龕正中少師桂
洲夏公之像桐溪錢公雙巖樊公翼其後太守華君張
君侍其左後寢五楹前後東西各有廡廡各三楹碑亭
二座大門儀門各三楹前後綽楔後闕圍圍繞以崇垣

登以文石匾曰崇功慕德生祠擇主者守視局鑰司祠
祀置田五十三畝為主祠者衣食之供凡所以裨於祠
者靡不周盡歲乙巳蜀唐君來守廣平乃礮石以記之
少師名言字公謹別號桂洲江西貴溪人錢公名如京
南畿桐溪人官刑部尚書樊公名繼祖山東鄆城人華
君名津無錫人張君名希尹臨清人唐君名曜富順籍
南昌人銘曰河山兩界畿輔皇圖昔有羨田為權莽區
在昔先朝令民開懇併蠲厥稅誘之趨本巨藩肆侈逆
豎播權殃民括利衆始騷然浮孽障天妖狐當路嗟嗟
彼民叫閻何訴我皇嗣統萬象更新解煩滌弊民怨乃
聞造命近臣荷鉞往勘彈劾孔巖權姦亦憚龍廷入奏
帝為允俞明詔一下彫瘵旋蘇民食民衣明公所賜向
也流離今悉順洽崇功慕德慈母是依創祠肖像如翬
斯飛闕宮盤盤歲時虔享桂醕蘭餽登歌在上行山屹
屹洛水泱泱山湧
川竭勳德靡忘

秦公祠在縣東南油坊集祀明知府秦民悅宏治十四
年建萬曆七年知縣向日紅改建集北隅

舊志參縣志
明吳寬記

略秦公以工部員外郎奉命守廣平清約自持濟以勤
慎每日未出坐堂上吏抱文書咨稟必詳審可否莫得
容私爭者立庭下皆俯首心服無一人稱冤者若死刑
尤緩其期往往平反或遭水旱災卽具實以奏徭役則
視戶口多寡貧富定其等第無弗均者先時里胥多隱
占糧地公遣人四出相視得地二千四百八十餘頃悉
給貧民耕種由是賦稅皆足招撫流移至五千八百餘
人又立養濟院漏澤園尤重文教人材始盛自春秋以
來聖賢墓悉皆封護公之善政大略如此秩滿將去民
攀留者塞道至不得行公既擢江西參政累遷至南京
兵部尚書參贊機務其後宏治十四年郡侯陳公欽至
其為政大率如公民愛之曰何我侯一似秦公耶侯因
詢舊政父老猶能一一道之其色愀然有泣下者公曰
求文刻石以慰爾之思可乎皆曰幸甚侯述其事來請
予予昔佐吏部舊與公為寮友蓋素知公因為之記而
繫之以詩惟昔任人莫善於漢循良屢書見於史傳其
人如何其政何書赫赫無求默默自居不圖斯民一朝
驩虞史亦有言不矢之誣日計不足月計有餘如龔如
黃世豈終少古訓不忘子民有道民親平易政尚體要
率是而行漢人克紹曰我父母曰我師保去之遙遙傳

之父老燕山北峙壯哉神京分畫甸服曰有廣平天子
擇守惠此黎民秦公昔來父老前迎我戒僕夫六轡緩
行吾官雖尊斯民勿驚惟此大郡吾治何能不撓獄市
惟靜惟清治之踰年政於何有獄無楮衣家有南畝豈
不徭役赴者恐後豈不徵科輸者恐負孰褫衣冠孰取
箕帚里俗自淳士風自厚問何為然曰有賢守古之遺
愛民不忍忘陳侯避舍秦公在堂勒石示遠承茲耿光
向日紅記略公累遷至兵部尚書參贊機務者二十
餘年而以成化十年來守廣平其後去而為宏治之十
六年邑父老思有如公者不可得乃建祠勒石於邑之
東南集曰油坊視郡人之碑思其去者愛尤加焉嘉靖
末年祠當河流之衝碑存而祠蕩然矣屬鄧人東方生
至一日以河工過公祠則父老之攀訴者環集如鱗於
是門下士劉子渠王子學詞輩具言民所以不忘公狀
奕赫赫然顧瞻中堂真有如公者在矣公德政在兩石
碣中東方生不以贅而特為記其略如此公名民悅字
崇化直隸舒城人東方生即清河令向日紅楚大冶人
索尹祠在南關外祀明知縣索紹同

二公祠在東大街祀順治間知縣王嘉賓劉允中同

胡公祠在縣治東祀康熙間知縣胡文煥同

盧公祠在縣東南新集一名盧公書院祀知縣盧士傑

康熙十六年建

畿輔通志 胡悉甯記略 邑侯盧公

科舉人筮仕為清河令治行多異數年來士民歌其德
政者已載在口碑今且為肖像於祠而尸祝焉邑之父
老屬余為辭以記之余曰甯不敏何能紀公之德政乎
諸公沐浴既深其必有以命我也於是父老爭相告曰
邑與郡為末屬土瘠民貧彫敝已甚自公莅茲土若良
醫然扶衰起痼慨然以拯濟撫綏為念德化之流傳未
易更僕數矣吾儕沐公之澤實大且久今幸構斯堂得
以朝夕瞻拜其下敢不敬求一言以代枯槁蔽芾之詠
乎余聞其言而善之即以邑人所
言者為之記時康熙十七年也

磁州

黃帝廟在城內畿輔通志舊滏陽城內有黃帝廟世傳軒

轅氏葬於陵臺建廟於此宋大中祥符初賜名先天觀

名勝志

周昌祠在城內畿輔通志

靈惠王廟在州治東南明景泰間千戶董昂建祀漢張

森舊志作漢邳彤誤

國朝康熙三十八年知州蔣擢重修畿輔通志蔣擢

張姓諱森漢時湯陰立皮場鎮貯醇蒸潰蠟穴其中螫者輒斃神司場庫素謹事神農氏默禱毒盡殄尤武建武辛未始建祠洛陽自漢而唐宋而勝國為時幾二千年於洛於相於秦於汴於沂於槐於南昌為地五六千里皮場之祀在在有之况磁與湯陰同在百里之內神之祀既肇於皮場則雲罕風馬豈不迥翔於當時往還

之地更加篤祐於蕩洄漳滏之間耶是則磁之祀神較之他方尤不可緩也磁州皮場祠在東火巷始於明景泰間千戶董昂建至正德間州守顧正重修嘉靖初指揮董日鎰加修嘉靖二十三年州守李用中再飭之其寢殿廊廡可云備美迄茲百有七十年風雨漂搖圯剝日甚州人士慨然謀新之乞余言為聚腋之助甫閱歲而資用克庀工力咸齊復創寢樓七楹南北殿二向焜煌金碧誠足以妥神祀而迓鴻庥余亦深幸眾志之協而樂觀其成不辭弁譎礮石紀南廡為藥王殿州志其事其輸財姓氏則勒之碑陰南廡為藥王殿張潛記略磁之東南異地舊有皮場廟奉祀靈惠王創自明景泰間迄嘉靖時郡大夫李公用中復建兩廡祀藥王藥聖及二十四氣諸神於中其南廡則藥王殿在焉歲久傾圯康熙甲寅郡人黎光久等謀重新之一時闔郡紳士及各信善翁翕然響應出貲有差而光久則發願首事庀材鳩工任勞尤多其用木植四百餘株璧一萬三千枚瓦三千五百枚丹堊稱之并諸役工直計費白金一百兩有奇經營於是歲七月末旬至八月中旬告成請記於余余嘉郡人敦善趨事為可紀也按藥王韋姓訊名號慈藏唐人也為醫之聖為藥之王隨叩靈應後世

習越人者皆繪像祀之然其行事不少概見嘗讀歷代名醫贊有曰大唐藥王德號慈藏老師韋訊萬古名揚迹是觀之亦可想見其天懷惻怛技術精良功德遐暢為岐黃嫡派而歷代名醫所共推為集大成者矣先是皮場正殿圯磁人請於郡守柏公成棟繕之宇廈廊階次第修舉獨南廡久隳尚乏整新無以妥神靈肅盥薦瞻拜者心惻焉經茲重修煥然頓還舊觀藥王之神洋洋在上而皮場合廟之功亦於是乎始完豈不休哉豈不休哉

蒼龍廟在西佐里祀隋竇宗康熙三十九年知州蔣擢

重建同上蔣擢記略磁之西佐里有蒼龍廟以祀昭州刺史大業間與竇建德相持未決移軍磁之蒼嵬山建德圍之糧盡援絕公棄甲呼天西向再拜而立槁於山頭磁人葬之立廟以祀詔封為鼓山之神迨周世宗收河東感神陰助贈護國昭靈侯勅有司春秋歲時致祭明正統間遷廟山下每禱雨輒應以廟原立蒼嵬之巔而神能沛甘霖以濟民困故又稱其廟為蒼龍廟修

於明天順丁丑迄今二百五十餘年梁棟漸頹甍甍半泐鳥鼠風雨不能蔽除無以壯觀瞻而肅祀事而田家之春祈秋賽亦以懈弛崇德報功之謂何而可聽其荒廢也諸生康椿郝文升張大信等慨然以修葺為任余乃捐俸資助同城文武僚屬亦各有所輸而廟乃煥然一新余稽祀典莫大於以死勤事及捍大災禦大患竇公之正氣浩然立節不苟固載在簡編矣而其靈爽之昭著凡雨暘之祈求輒應若桴鼓亦不惟祀典允合更大有造於我磁民也以明神而具龍德廟稱蒼龍宜矣遂書修建月日暨捐輸姓氏以貽後禩云

李衛公廟在臨水里祀唐李靖唐天成間勅建元泰定

三年修州志萬承勳詩臨摹少愛晉祠碑老宦經年始得知下拜西風神奕奕太原公子一鬢眉

崔府君廟在州治東北隅唐開元六年勅建祀滏陽令

崔珏元大德三年修州志光緒十七年知州萬培元重修

採訪冊元王德淵記略磁有神廟峙於東門之內曰靈惠齊聖廣佑王王姓崔諱珏顯名於隋唐之間為滏

陽令有神政太宗朝召拜蒲州刺史卒於官臨終遺命歸葬滏陽滏陽隸磁州為附郭縣磁州人思其德立祠事之如生後唐天祐十二年郡將靳侯遷神像於法觀其灑掃香火之事道者主之宋咸平元年召守臣入京蓋有宣室之問遂命劉蒙正大修神宇榜曰府君之廟右正言知制誥趙安仁奉勅文其碑景祐二年封護國顯應公元符二年詔以神之威力變化其爵弗稱乃即舊而王之尋加昭惠袞冕儀衛一遵禮秩大觀二年太守韓景奉旨益崇廟貌御筆書額以賜之景勒之於石覆之以閣徽欽板蕩閣燼石存金有中原以衡嶽在宋境命王權行南嶽事謂之亞嶽太和元年郡幕官竇衍發所瘞墓誌於西閣得王之世系靈異事為最詳因請上黨簿潘希孟記之迨至世祖皇帝百廢興舉禮望祭秩徧於羣神越至十三年趙宋告亡地盡南海十五年歸嶽祀於衡山改封王以齊聖廣祐之號與五嶽歲時同致祭焉元貞二年加封靈惠齊聖廣祐王順祐靈懿夫人大德三年州之耆老復以廟制未極崇貴乞官為修理州聞之廣平路路聞之中書禮部部聞之省今平章政事榮祿梁公德珪久歆神明遙領外護援據典理奏從其請爰降中統楮帛一萬緡期於新完而後已是行

也提領梁純和實來京師因陝西行臺治書侍御史滏陽安公祐遣詣史館言於王德淵曰子常居磁下親際耳目於神為鄉人今載筆翰林職掌記述於國為史氏以公以私記將安往余聞之悚然不敢以燕陋辭則應曰諾按周官曰宗伯掌邦禮治神人和上下祀典曰禦災捍患有功於民則祀之儻有功不祀是為慢神無功祀之乃為淫祀非惟宗伯之失神亦不以為榮惟是王祠雨暘疫癘有禱輒應福祐方面功不為輕神之受享國之奉神可謂兩無愧矣是碑之立非徒炫目實使人瞻誦而生敬心違觸不恭國有顯刑神有冥禍可不戒哉見於潘碑者茲不疊出

程宗二公祠在學宮東南祀宋磁州守程珣宗澤

榕端記略磁東北距城三百武許地舊有宋大中大夫程珣之祠明萬曆十七年州牧劉公光先重建祠碣則司李張公應登為文誌不忘也嗣州人士以瞻拜未便遷公神主程子祠而舊祠寢廢孤碣笏立道旁雖歲久剝落按其文尚得梗概康熙乙未磁紳士慮前途就湮也謀改樹碑程子祠內釀金運石尅期待鐫問記於余

余維公之刺磁也二子顯頤隨任磁治讀書講學文教
寢昌磁人追祠二程子於文廟東偏繼復奉公神主妥
侑其中至今相傳為三程夫子云今聖朝勅修信
史凡前賢名蹟悉加纂述如公豐功碩德洵宜表章勿
替者記曰法施於民則祀之又曰有其舉之莫敢廢也
公之德磁如其大且久前之人既從而表章之矣曾
幾何時竟令斷碣遺文滅沒於夕陽衰草亦可慨矣及
今不為述志將後之人並斷碣遺文有不可復識者豈
磁人俎豆前賢之意哉則是役真不可已也
爰泚筆臚次梗概並識同事姓氏於碑陰

岳忠武鄂王廟在東關明天啟元年知州牛維赤建祀

宋岳飛

國朝康熙十二年知州趙纘重建

元年州守商州維赤牛公改造與城門對當橋之衝東
面建有忠武岳王廟一區僅丈許窺公之意以為王鄴
之湯陰人去磁百里而遙則磁固王之桑梓也王之功
在天下而德威所及當自近始於是石橋之成假王之

畿輔通志 張潛記

靈以鎮之將使蛟孽不興狂瀾永息斯橋鞏固利涉以
福民生甚盛心也歲久濤與石鬪石有泐者官吏不為
之計至庚戌秋大水全橋遂崩三韓柏公茂楨知州事
雅意重修開支河泄水逼王廟址廟以圯土人昇王像
城西北關帝祠東徧奉之議募貲修復適憲清趙公下
車謁神見之慨然曰有其舉之勿敢廢也况王忠義冠
古今乎即捐金鳩工創正殿三楹前軒稱之繚以周垣
而砌而道而門以次舉焉丹雘聖髹煥然改觀廟後作
室三以處僧寮規制甚偉視昔有加矣興工於癸丑
八月抵十月告成余於是歎賢司牧之為功甚大也

王公祠在南門內明嘉靖四十五年建祀都指揮僉事

王邦直

同上

塗公祠在州北五里順治六年建祀巡道塗廓

國朝康熙四十二年知州蔣擢重修

中二年也寇陷隆平破臨洛迤邐而出神鉦間公聞而
投袂起曰寇薄武矣少緩則洛州續耳敕親軍以精甲

畿輔通志 張鏡

從步兵殿薄暮抵武則寇不敢薄城走山中遲明一軍
 具下合蓐食誓眾謂此輩狗鼠耳即不敢髡吾郭而掠
 諸野誰非吾赤子乎若視吾麾往其勿貳勿虞乃分軍
 為兩翼而身借五十騎貫其壘賊小卻而公氣益蹈厲
 橫戈直前忽馬蹶隕亂石間賊以長戟支公公持戟擁
 格反顧麾下多散去獨干夫長蘇某握血殊死鬪相與
 力盡而亡嗚呼烈哉時順治己丑四月五日也逮壬辰
 秋九月磁之人相與廟而祀之在禮以死勤事則祀之
 公無忝矣余哀公之忠書其事勒麗牲之石以為歌章
 俾登進者奏焉詞曰環甲兮耀靈駟蚪兮鞭霆志河山
 兮蕩激氣風雨兮憑陵生輕兮一羽死重兮干齡排閭
 闔兮上帝庭睨故都兮下雲駟激灑英兮椒糝薦清鏞
 兮雕劔神至止兮肅肅靈當戶兮熒熒荃何為兮拂鬱
 鑿裡祀兮芳馨神既醉兮容與聽參差兮和平回肅矢
 兮射狼星駕驚飈兮返穹冥魄毅毅兮漳潯魂熊熊兮
 太清篤舊服兮永奠調二氣兮康甯 張潛重修疏贈
 光祿寺卿前河北分巡道副使塗公祠特建於磁三十
 有五年矣歲時父老瞻拜流涕蓋如一日也嘗考祭法
 祀之大者有五德施於民則祀之以勞定國則祀之能
 禦大災則祀之能捍大患則祀之以死勤事則祀之能

公於五者之祀實兼備云公之憲鄴每布一令行一事
 必求其便於民生者慎審出之以故凡所措施皆堪百
 世即如減雜徵以恤士定水利以福民非所謂德施於
 民者乎逆壤之變風鶴傳警長吏有棄印逋逃者公獨
 勵鄉勇練技藝精器械一切麗譙虎落之具畢備磁為
 畿輔門戶眾志成城北拱神京非所謂以勞定國者
 乎山左餘孽流入境內哭聲遍山谷公惻然不忍貫甲
 介馬揮戈身先士卒寇知有備乃遁去民得安堵所謂
 捍大患禦大災有逾此者乎至於磁將有都閫在公非
 任戰者也乃曰文武何常之有吾起家遼左衽席鞍馬
 豈牧伯而忘之如主上何如赤子何武邑烏道崎嶇
 冒險直前至以身殉之而不悔人誰無死惟公重若泰
 山斯真所謂以死勤事者也公功德所及不獨吾磁而
 磁為公駐節之地以故磁之人少者以壯壯者以老莫
 不始而感慟既而思慕終不能忘蓋實有所以不能忘
 者在也祠創於己丑歲月奄久風雨催頽周垣半圯榱
 榑剝落丹堊黯澹士民展拜其下者皆曰非所以肅禮
 祀也因議整新之夫崇禮先賢表章忠烈固官於茲土
 者之事也宜有同心至於鄴郡七屬紳衿士民感公之
 德也深捐貲協力自不能已庶幾廟貌一新事竣備勒

貞珉以垂不朽公與先司馬志同道合維余又得侍
臯比之側其誼尤篤故敢略述頭末以誌景企云

李將軍廟在州西清明山舊志

案舊志將軍不知何時人亦莫詳其姓氏相傳道服
佩劍來自漢中府自言其姓曰李度山之陽募於主
者居焉山谷險僻舊為虎豹所出入地自李至而爪
牙斂迹矣卒後土人立廟以祀尊之曰將軍云

旗纛廟在都司署後僅存基址採訪冊

